

Inatsisissatut siunnersuummut nassuiaatit

Nassuiaatit nalinginnaasut

1. Aallaqqaasiut:

Inuup nunarsuatta silaannaanut avatangiisinullu, minnerunngitsumillu nunarsuatta silaannaata kissatsikkiartorneranut sunniuteqartarnerata eqqumaffigineqarnerata annertusiartornerani, nukissiornikkut isumalluutissat mingutsitsinngitsut atorneqarnissaannut periarfissat eqqumaffigineqarnerat annertunerulersimavoq.

Namminersornerullutik Oqartussat uuliamik benziinamillu nunatsinnut eqqussisarnermik pingitsuisinnaanermik annikillisaaniarlutik, aammalu namminneerluni nukissiuutitigut isumalluutit atorluaaniarnermik suliniuteqarnerannut atatillugu Nukissiorfiit erngup nukinganik innaallagissiorfinnik marlunnik peqareerput, qanittukkullu aamma erngup nukinganik innaallagissiorfiit allat marluk illoqarfinnut qanitaminniittunut innaallagissamik kiassarnermillu pilersuinnermut atorneqartussanngorlutik ingerlallissallutik. 2007-imi erngup nukinganik innaallagissiaq Nukissiorfiit innaallagissamik kiassarnermillu tunisassiornerata tamakkiisup 42%-ianik annertussuseqarsimavoq. Erngup nukinganik innaallagissiorfissat tulliit marluk atorneqalernerisigut kisitsisit taakku qaffassapput.

Ukiuni kingullerni pinngortitami isumalluutitta aningaasaqarnikkut imminut nammassinnaaneq anguniarlugu inuussutissarsiutinik ineriartortitsinnermut atorluarneqarnissaat annertusiar-tortumik siunnerfigineqarsimavoq. Siusinnerusukku aatsitassanik misissueqqaarnissamut piiaanissamullu sinaakkutissanik pilersitsisoqartarsimavoq. Taamatuttaaq inatsisissatut siunnersuummi matumani innuttaasunut inuiaqatigiillu aningaasaqarnerannut iluaqutaasumik erngup nukinganik isumalluutitinnut tunngaveqarluni suliffissuarnik ineriartortitsinissamut sinaakkusiisoqarpoq.

Tamanna tunngavigalugu erngup nukinganit isumalluutit innaallagissiornermut atorneqartarnerat pillugu Inatsisartut inatsisissaannik Naalakkersuisut siunnersuusiorput. Siunnersuutip atuutilerneratigut Kalaallit Nunaanni nukissiornermut isumalluutissat mingutsitsiviunngitsut niuerpalaartumik atorluarneqarnissaannut killissarititaasut pilersinneqassapput, avataaniit aningaasaliisoqarsinnaanera ammaanneqassaaq, aammalu inuussutissarsiutinik nungusaataanngitsumik tunngaveqartunik nutaanik pilersitsinissaq ammaanneqassalluni.

Tamatuma peqatigisaanik siunnersuutip atuutilerneratigut Namminersornerullutik Oqartussat erngup nukinganik isumalluutitinnut aamma erngup nukinganik innaallagissiorfinnik siunnessamut ungasissumut atuisinnaanissaat, piffissamut killilikkamik akuersissutitigut aamma erngup nukinganik innaallagissiorfiit akeqanngitsumik Namminersornerullutik Oqartussanut tunniunneqarsinnaanersigut qulakkeerseqassaaq.

2. Siunnersuummi immikkoortut pingaarnerit

2.1 Inatsit immersugassaq

Erngup nukingata innaallagissiornermut atorneqarnissaa annertuunik aningaasaliissuteqarnissamat, kiisalu erngup nukinganik innaallagissiorfinnik sanaartornermik ingerlatsinermillu ilisimasaqarnissamik piumasaqaateqarfiuvoq.

Erngup nukingata innaallagissiornermut atorneqarnissaanut periarfissat taamatullu innaallagissiarineqartumik toqqortaqaarsinnaanermut ingerlatitseqqissinnaanermullu periarfissat iluanni teknikkikkut annertuumik ineriartortitsisoqarnissaa naatsorsuutigineqarpoq. Taamaattumik erngup nukingata innaallagissiornermut atorneqarnissaanut atugassarititaasut, niuernikkut aningaasartuutitigullu il.il. pissutsit allanngortarneranni erngup nukingata innaallagissiornermut atorneqarnissaata niuernikkut annertunerusumik annikinnerusumilluunniit pilerinarnerulertarnerata ilutigisaanik ineriartortinneqassapput.

Taamaattumik inatsisissatut siunnersuut inatsisitut immersugassatut suliarineqarpoq. Siunnersuut manna malillugu akuersissuteqartarnej inuiaqatigiillu tunngavigalugit suliffeqarfiit akornanni suleqatigiittarnerup ingerlaavartumik iluarsineqartarnissaa pisariaqarpoq. Tamatuma saniatigut pissutsit tamarmik inatsit ataasiinnaq atorlugu maleruagassiorneqarnissaat ajornasaaq.

Tassalu inatsisissatut siunnersuut akuersissutit, inatsisissatut siunnersuummi killissarititaasut iluanni aalajangersakkanik sukumiinerujussuarnik imaqartussat ilusilersorneqarnissaanut periarfissiivoq, aammalu pissutsit immikkut itsillugit imaluunniit allannguuteqartillugit naleqqussaasinnaanissamat periarfissiilluni. Tassalu akuersissutit aalajangersimasut inatsisissatut siunnersuummi killissarititaasut iluanni ilusilersorneqarsinnaassapput, isumaqatiginninnitigineqarsinnaassallutik aammalu nalunaarutigineqarsinnaassallutik, aammalu atugassarititaasunik sulianut aalajangersimasunut piffissamullu akuersissuteqarfiusumut naleqqussakkanik imaqarsinnaassallutik.

Inatsisissatut siunnersuummi erngup nukinganik isumalluutit 1 megawatt sinnerlugu tunisassiorsinnaasut pineqarput. (Erngup nukinganik innaallagissiorfik 1 MW-mik tunisassiorsinnaasooq ukiumut 8.760 megawatttiiminik (MWh) tunisassiorsinnaassaaq, tassalu inoqutigiit 1.500 – 2.000-it missaanniittut ukiumut kiassarnej ilanngunnagu innaallagissamik atuinerisa naliginnaasup annertoqataanik).

2.2 Inatsisit suliassaqarfimmi atuuttut

Erngup nukinganit isumalluutit ilaatigut innaallagissiornermut atuinissamat akuersissutit nalunaaruteqarnissamat aalajangiisinnatitaaffik 31. december 1993 ilanngullugu Kalaallit Nunaanni atortussiassat aatsitassanit pisut il.il. pillugit inatsit aqutugalugu maleruagassiuunneqarsimavoq.

Erngup nukinganik sulianut akuersissuteqarsinnaanermut aalajangiisinnatitaaffiup taakkulu oqartussaasunit suliarineqartarnerisa aatsitassanut peqqussummit peerneqarnerisa, aammalu erngup nukinganik isumalluutit Namminersornerullutik Oqartussanut tunniunneqarnerat pillugu Kalaallit Nunaannut inatsimmut nr. 1075-imut, 22. december 1993-imeersumut nuunneqarnerisa kingunerisaanik, atortussiassat aatsitassanit pisut il.il. pillugit inatsisip allanngortinneqarnissaa pillugu Kalaallit Nunaannut inatsit nr. 1074, 22. december 1993-imeersoq (aatsitassanut inatsit) inatsisillu arlallit (erngup nukinganik isumalluutit pillugit Kalaallit Nunaannut inatsit) aqutugalugit arlalinnik allannguisoqarpoq. Inatsisissatut siunnersuut manna inatsit taanna tunngavigalugu suliarineqarpoq.

Ergup nukinganik innaallagissiornermut atuinissamut akuersissuteqartarnejq ullumikkut nukissamik pilersuineq pillugu Inatsisartut peqqussutaatigut nr. 14-ikkut, 6. november 1997-imeersukkut maleruagassiuunneqarpoq.

Nukissamik pilersuineq pillugu Inatsisartut peqqussutaanni § 9, imm. 1-imi aalajangersarneqarpoq, innaallagissiorfinnik nutaanik sanaartorerit aammalu innaallagissiorfinni pioreersuni allannguinerit annertuut Naalakkersuisunit akuerineqartussaasut. Naalakkersuisut akuersissuteqarnissaannut piumasaqaammi innaallagissiornermut ungasianiillu kiassarnermut tunisiasiorfiit il.il. pineqarput, tassunga innaallagissiorfiit nukissiuutinik ataavartunik atuisut aamma kiassaateqarfiit 0,25 MW sinnerlugu kiassaasinnaasut, aammalu innaallagissamik, ungasianiit kiassarnermik gassinillu ikuallassinnaasunik ingerlassinerimut siaruarterinermullu aqqusersuutit il.il. pineqarput.

Ergup nukinganik innaallagissiorfimmut tunngatillugu Naalakkersuisut akuersissutaat imermut pineqartumut tunngasuvoq, uumasut aqqutaat, eqqissisimatitsinissamut tunngasut aammalu sumiiffiit qanittuniittut pillugit atugassarititaasussanik ilaqarluni.

Nukissamik pilersuineq pillugu Inatsisartut peqqussutaanni ergup nukinganik innaallagissiorfiit pillugit aalajangersakkat suli ergup nukinganik isumalluutitut minnernut atuupput, kiisalu ergup nukinganik isumalluutit, 1 megawatt sinnerlugu pilersuisinnaasut atorneqarnissaannut akuersissutit siunnersuummi matumani maleruagassiuunneqarlutik.

Ergup nukinganik isumalluutinik minnerusunik, assersuutigalugu nunaateqarfinnut, savaateqarfinnut nunaqarfinnulluunniit pilersuinerimi atuinissamut akuersissutit siunissami aamma nukissamik pilersuineq pillugu Inatsisartut peqqussutaat naapertorlugu oqartussaasutut suliarineqarsinnaassapput.

Maannamut ergup nukingata innaallagissiornermut atorneqarnissaanut akuersissutit sisamat tunniunneqarsimapput.

Tassani Nuuk pineqarpoq (Utoqqarmiut Kangerluarsunnguut): Innaallagissiorfik 30 MW-nik tunisassiorsinnaavoq, 2008-milu pisinnaasai 45 MW-inut annertusineqarput. Taamani akuersissut Kalaallit Nunaanni atortussiassat aatsitassanit pisut pillugit inatsit naapertorlugu tunniunneqarsimavoq. Innaallagissiorfik 1993-imi atorneqalerpoq.

Akuersissutit makku nukissamik pilersuineq pillugu Inatsisartut peqqussutaat naapertorlugu tunniunneqarsimapput:

- Tasiilaq. Innaallagissiorfiup pisinnaasaa 1,2 MW-iuvoq aammalu 2005-imi atorneqalerluni.
- Qaqortoq-Narsaq (Qorlortorsuaq). Innaallagissiorfiup pisinnaasaa 7,2 MW-iuvoq, aammalu 2008-mi atorneqalernissaa naatsorsuutigineqarluni.

Sisimiut. Innaallagissiorfiup pisinnaasaa 16,8 MW-uvoq, aammalu 2010-mi atorneqalernissaa naatsorsuutigineqarluni.

2.3 *One door* (iserfissaq ataaseq) tunngavigalugu suleriaaseq

Qinnuteqaatit pilertortumik, eqaatsumik aqqissuussaasumillu suliarineqartarnissaat siunertaralugu oqartussaasut suliaqartarneranni *one door* tunngavigalugu suleriaatsimik taaneqartartup atorneqarnissaa siunertarineqarpoq. *One door* tunngavigalugu suleriaatsip atorneqalerneratigut qinnuteqartut oqartussaasumut ataasiinnarmut saaffiginnittassapput, taassumalu sulias-

satut kissaatigineqartup oqartussaasunit suliarineqarnissaa tamakkiisoq ataqatigiissaassavaa. *One door tunngavigalugu* suleriaaseq tupinnanngitsumik taamaallaat Namminersornerullutik Oqartussat aalajangiisnaatitaaffigisaannut atorneqarsinnaassaaq.

Ingerlatsinermi oqartussaasup ataqatigiissaarisussap qinnuteqaammik tigusaqarnermi kingorna suliap Namminersornerullutik Oqartussaasuni oqartussaasunut attuumassutilinnut tamanut maleruagassat, ingerlatsivimmut pineqartumut atuuttut malillugit suliarineqartussanngorlugu ingerlateqqinneqarnissaa isumagissavaa. Oqartussaasut attuumassutillit allat aalajangiineri ingerlatsinermi oqartussaasumut ataqatigiissaarisumut ingerlateqqitassanngorlugit nalunaarutigineqassapput. Tamatuma kingorna inatsisissatut siunnersuut manna malillugu akuerineqarnissamik qinnuteqartut akuerineqartulluunniit ingerlatsinermi oqartussaasumit ataqatigiissarisumit ataatsimoortumik akineqassapput.

Erngup nukinganit isumalluutinik misissueqqaarnissamut atuinissamulluunniit qinnuteqaateqartoqartillugu, assersuutigalugu nunaminertamik atugassiinissaq, kiisalu avatangiisitigut akuersissuteqarnissaq pisariaqalertarpoq. Tamatumunnga tunngatillugu ingerlatsinermi oqartussaasup ataqatigiissaarisup nunaminertanik atugassiinissaq kiisalu avatangiisitigut piumasaqaateqarnissaq eqqarsaatigalugit oqartussaasut akisussaasuusut suliamik tigusaqarnissaat, suliaqarnissaat aalajangiinissaallu isumagissavaa.

Inatsimmi matumani one door-imik suleriaatsimut atortussiassanik aatsitassanit pisunik piiannissamut atatillugu erngup nukinganit isumalluutit innaallagissiornermut atorneqarnissaannut misissueqqaarnissamut atuinissamullu qinnuteqaatit ilaatinneqanngillat. Kalaallit Nunaanni atortussiassat aatsitassanit pisut pillugit inatsimmi (aatsitassanut inatsimmi) one door tunngavigalugu suleriaatsimik assingusumik atuiffiunera tamatumunnga tunngavigineqarpoq. Aatsitassarsiornermi oqartussaasut suliarinninnerat ataatsimoorussamik akuleriiffiusumillu ingerlanneqarnissaa aatsitassanut inatsimmi allassimavoq, tassanilu pingaartumik avatangiisinut, teknikkimut, isumannaallisaanermut isumalluutinullu tunngasut ilivitsutut ataatsimoortinneqassapput. Piumasaqaatilli taakku erngup nukinganik isumalluutinik atuinermi aamma atortussiassanik aatsitassanit pisunik piianermi assigiittariaqanngimmata, erngup nukinganik isumalluuterpianut qinnuteqaatit Inatsisartut inatsisaat manna malillugu suliarineqartassat, oqartussaasullu sinnerisa suliaqarnerini aatsitassanut inatsit malinneqassasoq inatsisissatut siunnersuummi erseqqissarneqarpoq.

2.4 Piginnittoqarneq

Atuinissamut akuersissut aktiaatileqatigiiffimmi piginneqatigiiffimmilu piginnittooriaatsinut qanorluunniit ittunut tamanut imaluunniit ingerlatseqatigiiffioriaatsinut assigusunut suliffeqarfinnullu namminersortitanut tunniunneqarsinnaassaaq. Akuersissut soqutigisaqatigiiffinnut imaluunniit ingerlatseqatigiiffinnut, piginneqataasut ataasiakkaat akileeqataassutaat tunngavigalugit akisussaaffeqartinneqartartunut tunniunneqarsinnaassanngilaq.

Inatsisissatut siunnersuut aamma suliffeqarfinnut Namminersornerullutik Oqartussanit imaluunniit ingerlatseqatigiiffinit Namminersornerullutik Oqartussanit tamakkiisumik ilaannasumilluunniit pigineqartunut piginneqataaffiusunulluunniit, misissueqqaarnissamik atuinissamilluunniit qinnuteqaateqartunut atuutissaaq.

Ingerlatseqatigiiffiit ilusissaannik sumilu angerlarsimaffeqarnissaannik killiliinermi siunertaa-sumut, ingerlatseqatigiiffiit akileraarutissaasa isertitanillu akileraarutit Kalaallit Nunaanni akilerneqartussaanagerat tunngavilersuutigineqarpoq. Tassalu akuersissutip tunniunneqanngin-

nerani ingerlatseqatigiiffik Kalaallit Nunaanni inuussutissarsiutinik ingerlataqarneq pillugu Inatsisartut inatsisaat naapertorlugu pilersinneqarsimassaaq.

2.5 Aningaasaqarnikkut atugassarititaasut

Erngup nukinganik isumalluutinik nukissiornermut atugassanik misissueqqaarnissamut atuinissamullu qinnuteqartut suliap aallartinnginnerani oqartussaasunut akitsuutinik (royalty) akiliinissamut piumasaqaatinik ilisimasaqarnissaat pingaaruteqarpoq. Taamaattumik Naalakkersuisut misissueqqaarnissamut atuinissamullu akuersissummi pisinnaatitaaffimmik pigisaqartup qanoq annertutigisumik akitsuutinik (royalty) oqartussaasunut akiliinissaanut aalajangersaasinnaanermut piginnaatinneqarput, soorlu aatsitassanut inatsimmi tamanna atorineqarpoq. Akitsuutinik akiliisarnissamut piumasaqaatinik aalajangersaasoqarsimappat, tamanna akuersissutini pineqartuni allassimassaaq, taamaalillunilu suliffeqarfiup akitsuutinik akiliisarnissamut piumasaqaatit siumoortumik ilisimasinnaassavai.

2.6 Piffissatigut atugassarititaasut

Siunnersuut malillugu atuinissamut akuersissutit aallaaviatigut sivisunerpaamik ukiuni 40-ni atuuttussatut nalunaarutigineqarsinnaapput. Akuersissutini ataasiakkaani piffissarititaasoq qinnuteqartup piffissamut pisariaqartitaatut uppersararneqartumut naleqquttunngorlugu aalajangersarneqartassaaq.

Assersuutigalugu siusinnerusukkut Norgemi erngup nukinganit isumalluutinik atuinissamut ukiut 99-it tikillugit akuersissuteqartoqartarsimavoq. Ullumikkut Norgemi ingerlatseqatigiiffinnut namminersortunut akuersissuteqartoqartarunnaarsimavoq, taamaallaalli ingerlatseqatigiiffinnut pisortanit pigineqartunut sivisunerpaamik ukiunut 60-inut akuersissuteqartoqartarluni.

Assersuutigalugu Islandimi piffissamut killiligaanngitsunik akuersissuteqartoqartarsimavoq, kisiannili ullumikkut nalinginnaasumik sivisunerpaamik ukiunut 65-inut akuersissuteqartoqartarluni.

Ineriartornerli ataatsimut isigalugu erngup nukinganit isumalluutinik atuinissamut akuersissutit atuuttarnerisa sivikilliarthortinneqarnerat malunnarpoq. Nukissiornermi isumalluutit mingutsinngitsut atorunneqarnerisa annertusiartornerat nalinginnaasumik innaallagissiornermut akit qaffakkiartornerinut sanilliukkanni, tupinnanngitsumik erngup nukinganit isumalluutit atorunneqarnerat annertusiartorpoq, taamaalillunilu piffissaq utertitsilluni akilersuiffiususaq sivikilliarthorluni. Piffissaq aningaasaliisut utertitsillutik akiliinissaannut aammalu aningaasaliissutaasut erniortinneqarnissaannut qulakkeeriffineqarsinnaasoq qaangerlugu akuersissuteqartarnissaq, inuiaqatigiit aningaasaqarnerat aallaavigalugu inassutigineqanngilaq.

Taakku saniatigut akuersissutit sivisussusaa pisinnaatitaaffimmik pigisaqartup annaasaqarsinnaaneranut tunngassuteqarpoq. Assersuutigalugu ingerlatseqatigiiffiit akuersissutinik ukiuni 25-30-ni atuuttussanik tunineqartarnerat, nunanilu najugaanni naalakkersuisut piginneqartaasarnerat, taamaalillutillu aningaasaqarnikkut annaasaqaataasinnaasut avinneqartarnerat nunarsuaq tamakkerlugu atugaaleriartorpoq. Erngup nukinganik innaallagissiorfik ingerlatseqatigiiffimmit ataasiinnarmut pigineqarpat, ingerlatseqatigiiffiup taassuma aningaasaqarnikkut annaasinnaasai annertussapput, taamaattumillu piffissaq akuersissuteqarfissatut tunniunneqartoq sivisunerusarluni.

Ukiut 40-t tikillugit piffissaliisarnissaq inatsisissatut siunnersuummi siunnersuutigineqartoq, tamatuma saniatigut piffissap akuersissuteqarfiusup ingerlanerani akuersissuteqarnermut atugassarititaasut allanngortinneqarsinnaanerisa killeqarnerannut atasuuvoq. Aammattaaq akuersissutitip atuunnerani atuinissamut akuersissummut atugassarititaasut Naalakkersuisunit allanngortinneqarsinnaanissaannut annertunerusumik periarfissaqartitsisoqassappat, tamanna piffissamik akilersuiffiusussamik sivilunerusumik illuatungilerneqassaaq, taamaalillunilu niuerpalaartumik aningaasaliissut taakkulu aningaasalersuisui aningaasaliissutit utertillugit akilerneqarnissaannut erniortinneqarnissaannullu naammattumik qulakkeeriffigineqassapput.

Inatsisissatut siunnersuummi ukiut 40-t qaangiunnerini ukiut 20-it tikillugit sivitsuisinnaanissaq periarfissinneqarpoq. Piffissaq akuersissuteqarfiusooq taanna nunarsuarmit atorneqartartunit siviluneruvoq, taamatulli sivilussusiliinissaq aalajangerneqarpoq, Namminersornerullutik Oqartussat erngup nukinganik innaallagissiorfimmik piginneqataanissartik kissaatiginngippassuk, kisimiilluni aningaasaqarnikkut annaasaqarsinnaanermut akisussaaffiup tigumminerani aningaasaliinissap pilerinarnerulernissaa tamatumuuna periarfissinneqassammat. Tamatuma peqatigisaanik piffissaliussassatut siunnersuutigineqartoq aamma pisinnaatitaaffimmik pigisaqartup eqqarsaatigineqarnissaata, atugassarititaasullu allanngortinneqarnerini politikikkut isumaqatiginninniarnissamut kiffaanngissuseqarnissap qulakkeerneqarnissaata, kiisalu nukissiuutinik ataavartunik piumanninnerup annertusiartorneranut naleqqussaannissap akornanni aaqiissutissatut isumatusaartutut naliliiffigineqarpoq.

2.7 Avataaniit aningaasaliinerit aamma erngup nukinganit isumalluutinik niuerpalaartumik atuneq

Erngup nukingata innaallagissiornermut atorneqarnissaanut misissueqqaarnerit atuinerillu annertuunik aningaasaliissuteqarnissamik piumasaqaateqarfiupput. Avataaniit aningaasaliissusanik pileritsatsitsisoqarsinnaassappat, misissueqqaarnissamut atuinissamullu akuersissutit piffissap akuersissuteqarfiusup ingerlanerani paasiuminassutsimik allanngorannginnermillu pisariaqartinneqartumik sunnerneqarsimanissaat pingaaruteqarpoq.

Misissueqqaarnissamut atuinissamullu ataatsikkut akuersissuteqartoqartarnissaa, taamaalillunilu erngup nukinganit isumalluutit niuerpalaartumik atorneqarnissaanut tunngavissaqartoq misissueqqaarnermi paasineqarpat, misissueqqaarnissamut akuersissummik pigisaqartup atuinissamik akuerineqarnissamut qulakkeeriffigineqarnissaa pingaarnertut maleruagassaassasoq siunnersuummi siunnerfigineqarpoq.

Aningaasaliisussat erngup nukinganik atuisinnaatitaanissamik qulakkeeriffigineqareernissaat, aammalu misissueqqaarnissamut akuersissummik pissarsisimagunik, erngup nukinganit isumalluutinik atuinissamut akuersissuteqarfigineqarnermini aningaasaqarnikkut qitiusumik atugassarititaasunik ilisimaarinninnissaat, nunanit allanik aningaasaliisussanik pileritsatsitsi- niarnermi pingaaruteqarpoq. Tassani nalinginnaasumik Kalaallit Nunaanni akileraarnermut inatsit naapertorlugu akileraarnermi atugassarititaasut, kiisalu Namminersornerullutik Oqartussat atuinermit akiliisitsisarneranni (royalty) akit aalajangersarneqartarnerinut naatsorsorneqartarnerinullu periaatsit pillugit nassuiaatit pineqarput.

Erngup nukinganik isumalluutinik misissueqqaarnissanut atuinissamullu akuersissutinik tunniussinissamut atugassarititaasunik nalinginnaasunik suliaqartoqarnissaa Naalakkersuisut naatsorsuutigaa. Atugassarititaasut nalinginnaasut taakku aamma aatsitassalerinermi ilisima- neqarput, soorlu “Kisermaassiviusumik kulbrintinik ujarlernissamut atuinissamullu akuersis-

sut” aamma “Kalaallit Nunaanni atortussiassanik aatsitassanit pisunik (kulbrintit ilanngunna-
git) misissuinissamut akuersissuteqarnissamut piumasaaqatit nalinginnaasut”.

Atuinissamut akuersissutip inaarutaasup ilusilersorneqarnerani, aamma nuna akuersissutip
atuuffissaa sukumiinerusumik killilerneqassaaq.

Erngup nukinganik innaallagissiorfik aalajangersimasoq inatsisissatut siunnersuut manna tun-
ngavigalugu killiliussat akuersissutitullu nalunaarutigineqartup iluanni ataatsimut kaaviiartit-
sinissamut tunngavigineqarsinnaavoq. Akuersissutinik allanut tunniussineq Naalakkersuisunit
akuersissutigineqassaaq. Erngup nukinganik innaallagissiorfik taarsigassarsiniarnermi qular-
naveeqqusiunneqarsinnaavoq, aammalu akiitsut pillugit malersuinerni qanorluunniit ittuni
tunngavigineqarsinnaalluni.

2.8 Tigusisinnaatitaaneq

Erngup nukinganik isumalluutit innaallagissiornermut atorneqarnissaat eqqarsaatigalugu sa-
naartugassat timitassaasa teknikkimullu atortuisa atasinnaassusiat nalinginnaasumik atuinis-
samut akuersissutip nalunaarutigineqartup sivissusua sinnerlugu sivissusilerneqartarput.

Atuinissamut akuersissummut piffissarititaasup naanerani erngup nukinganik innaallagissior-
fik Namminersorerullutik Oqartussat tamakkiisumik piginnittussaatitaallutik akiliinatillu
tigussaneraat Naalakkersuisut aalajangiiffigisinnaavaat. Taanna tigusisinnaatitaanermik taa-
neqarpoq.

3. Pisortanut aningaasaqarnikkut allaffissornikkullu sunniutissat

3.1 Pisortanut aningaasaqarnikkut sunniutissat

Inatsisissatut siunnersuut imaaliallaannarluni aningaasaliissutinut sunniuteqartussatut naatsor-
sututigineqanngilaq, taamatuttaarlu inatsisissatut siunnersuuteqarnerup kingunerisaanik allaf-
fissornikkut aqqissuusaanikkullu allannguutissanik annertuunik suliaqartoqarnissaa piler-
saarutigineqanngilaq.

Inatsisissatut siunnersuummi nunatsinni erngup nukinganit isumalluutit atuinikkut inuussu-
tissarsiutinik ineriartortitsinissamut kaammattuinnissaq siunertaasuni pingaarnersaavoq. Taas-
suma atuutilerneratigut suliffissat amerlanerusut pilersinneqassapput, taamaalillunilu akileraa-
rutit kiisalu immaqa ingerlatseqatigiiffiit akileraarutaat akilerneqartut amerlanerulissallutik.

Kiisalu Nunap karsia erngup nukinganit isumalluutit atuinissamut akuersissummik pigisa-
qartumut akitsuusiinikkut (royalty) isertitaqarsinnaanera periarfissaalissaaq. Royalty tassaa-
voq isumalluutit inuiaqatigiinnit pigineqartunik atuinermut inuiaqatigiit akiliisitsillutik iser-
titaqarfigisinnaasaat. Royalty tunngaviusut assigiinngitsut malillugit aalajangersarneqarsin-
naavoq. Tassani pineqartut assersuutigalugu tassaasinnaapput erngup nukinganit isumalluutit
angissusaanut, erngup atorneqartup angissusaanut, innaallagissiarineqartup angissusaanut
taassumaluunniit nalinganut akiliisitsineq. Tassani aamma suliffeqarfiup kaaviiartitai sinne-
qartoorutaaluunniit malillugit akiliisitsisarnissaq pineqarsinnaavoq. Maannarpiaq siunissami
akilerarutinit, royalty-mit il.il. isertitaasartussat missiliorneqarsinnaanngillat, tassani sulia-
ssat aalajangersimasut aallartinneqarumaartussat apequtaasussaammata.

Suliasaqarfimmi suliat amerlinerisa kingunerisaanik aningaasartuutit amerlissutigisinnaasaat
atuisut aningaasalersuineri, soorlu oqartussaasut suliaqarnerinut akitsuutinik akiliisitsinerit

aqqutigalugit matussuserneqassapput, taakkunungaluk nakkutilliinerit aqqutigalugit misissuisarnerit ilaapput.

Kommuninut aningaasaqarnikkut sunniutissat eqqarsaatigalugit inatsisissatut siunnersuut imminermi aningaasaqarnikkut sunniuteqassanngilaq. Taamaattorli erngup nukinganik isumalluutit aalajangersimasut sumut atorneqarnerisa malitsigisaanik siunnersuut sunniuteqarsinnaavoq.

Tassalu inatsisissatut siunnersuut erngup nukinganik isumalluutit atuinermut atatillugu pilersunik suliffissuit suut tamatuma malitsigisaanik pilersinneqarnersut apeqqutaallutik sunniuteqarsinnaavoq. Erngup nukinganik innaallagissiorfimmi suliat annertusineri tamatumungaluk atatillugu suliffissuit pilersinneqartut akileraarutit annertunerusunik akiliisarnernik malitseqarsinnaassaaq aammalu isumaginninnikkut tapiissutinik appaatitsinnaassalluni. Sulisussat kommuninit allanit nuussappata, taakkunani taamatuttaaq akileraarutit isertitat apparnerat malungineqarsinnaassaaq.

Erngup nukinganik innaallagissiorfimmi innaallagissiarineqartoq tamakkiisumik ilaannaasumilluunniit illoqarfinnut nunaqarfinnullu pilersuinerit atorneqassappat, siunissaq ungasinerusoq eqqarsaatigalugu nioqqutissanik tikisitsisarneq annikinnerulersinnaavoq, taamaalillunilu uuliap ikummatissallu allat pisariaqartinneqarnerat annikinnerulersinnaalluni. Suliffissuit pilersinneqartut avammut tuniniaasuusimappata, imaluunniit tikisittakkanut unammillertuusimappata, akiliisinnaassutsip oqimaaqatigiissinneqarnera pitsanngorsinnaavoq.

Kiisalu erngup nukinganik innaallagissiorfinnik angisuunik, taakkunungaluk atasumik suliffissuarnik sanaartornerit inuiaqatigiit aningaasaqarnerat eqqarsaatigalugu suliaqarnerulernerup kingunerisaanik akissarsiat tatisimaneqalersinnaapput. Inuusutissarsiornermi akissarsiat tatisimaneqarnerisa annertunerulerneratigut aammalu suliffissatigut periarfissat pitsaanerulerneratigut aningaasat naleerukkiartulersinnaapput. Sunniutissanulli sanaartornerup nalaani sulisunik tikisitanik qanoq annertutigisumik atuisimanissaq apeqqutaasorujussuusussaavoq. Sanaartornerup nalaani sulisunit tikisitanik akileraarutit akilerneqartut kommuninut Nunallu Karsianut annertusinnaapput. Erngup nukinganik innaallagissiorfiup ingerlalerneqarsinnaassat annikingaatsiartussaapput, tassanilu assersuutigalugu aningaasat naleerukkiartornerat imminermi annikitsuinnarmik sunniutaasussaavoq.

Sanaartukkat angisuut immaqalu kommunini attaveqaatit annertusissutissaat pisariaqarsinnaassut (sullissiviit, aqquernit, inissiat il.il.) pissutaallutik suliaassat annerit ataavartut annertuut, aammalu nutsertut amerlinerisa kingunerisaannik piffissap ilaani nunap iluani sumiiffinni allani pisortat sanaartornerinut sunniuteqarsinnaapput.

3.2 Pisortanut allaffissornikkut sunniutissat

Allaffissorneq eqqarsaatigalugu misissueqqaarnissamut atuinissamullu akuersissutinik qinnuteqaatit suliarineqartarnerat Namminersornerullutik Oqartssat allaffeqarfianut suliaassaassapput annertuut. Pissusiviusulli isigissagaanni ukiut arlallit ingerlanerini suliaassat killilimmik amerlassusillit matumani pineqarput. *One door tunngavigalugu* suleriaaseq atorneqassappat, taanna imminermi qinnuteqartartussanut ilitsersuutinik paasissutissanillu sukumiisunik suliaqarfiusussaavoq. Taamatuttaaq suliaasaqarfup iluani *one door tunngavigalugu* suleriaatsimut ilitsersuutit suleriaasissallu ilusilersorneqartussaapput. Tamanna sulianik taamaattunik suliaqartarnermi allaffissornikkut suliaassanut oqilisaataasussaavoq. Matuma siuliani taaneqar-

tutut aningaasartuutissat taakku oqartussaasut suliaqarnerinut atuisut akiliutaat atorlugit matussuserneqartassapput.

Siunnersuutip kommunit allaffissornikkut annertunerusumik sunniuteqarnissaa naatsorsuutigineqanngilaq, kommunit ullumikkut erngup nukinganik isumalluutininik atuinnermut atatillugu sumiiffinnut pilersaarutinik suliaqartareermata aammalu tamakku pillugit nunaminertanik atugassinneqarnissamut qinnuteqaatinik suliaqartareerlutik.

4. Inuussutissarsiornermut il.il. aningaasaqarnikkut allaffissornikkullu sunniutissat

Siunnersuut manna inuussutissarsiornermut aningaasaqarnikkut allaffissornikkullu toqqaanartumik sunniuteqassagatinneqanngilaq. Siunnersuulli aningaasaqarnikkut malittaasunik sunniuteqarsinnaavoq.

Erngup nukinganik innaallagissiorfinnik aqquersuutinillu taakkununga atasunik sanaartorneq ingeniørinut, entreprenørinut pilersuisuusunullu suliaasussaavoq annertoq. Pingaartumik sanaartornerup nalaani inuussutissarsiutinik ingerlataqartut sulinissamut periarfissaat pitsanngortussaapput, aammali ingerlatsilernerminni taamaattussaassalluni. Pingaartumik suliffissuarinik tamatuma kingorna sananeqartunik pilersuisuusussanut.

Akerlianik inuussutissarsiutinik ingerlataqartut pioreersut sulisussatigut unammillerneqarnerulernerminik, tamatumalu nassatarisaanik akissarsiatigut tatineqarnerminik imaluunniit sulisussaaleqilernerminik misigisaqartussaapput.

Erngup nukinganik innaallagissiorfiit illoqarfinnik pilersuissappata, inuussutissarsiutinik ingerlataqartunut kilowatt-imut akit appasinnerulissapput, taamaalillunilu unammillersinnaaneq annertunerulersinneqassalluni.

5. Avatangiisinut pinngortitamullu sunniutissat

Erngup nukingata illoqarfinni inuiaqatigiinnut suliffissuarnullu pilersuinnermut atorneqarnera, assersuutigalugu amarsuit, uulia pinngortitamiillu gassi atorlugit nukissiornerup saniatigut qinigassatut allatut pingaaruteqartuusussaavoq. Ilaatigut suliffissualiornermut atatillugu nunarsuaq tamakkerlugu isigissagaanni, Kalaallit Nunaanni erngup nukinganik isumalluutit mingutsitsinngitsut atorneqarneranni siunissami gassit silaannarmik kissakkiartortitsisut aniatinneqartarnerat annikillisussaavoq, taamaalillunilu inuit pilersitaannik avatangiisinut sunniutit pitsaanningsut annikillisussaallutik.

Erngup nukinganik innaallagissiorfinnik suliffissuarnillu taakkununga atasunik sanaartornerup nalaani soorunami Kalaallit Nunaata CO₂-imik aniatitai annertusilaassapput, kisiannili aamma nunani allani taamaattunik sanaartortoqassagaluarpat aniatinneqartut annertoqqataanik aniatitsisoqartussaavoq. Taamaattumik nunarsuaq tamakkerlugu isigissagaanni, erngup nukinganik innaallagissiorfiliorneq CO₂-imik aniatitanik annertunerulersitseqataanaviangi-laq.

Saliinissaq eqqarsaatigalugu suliassanut avatangiisinut akuersissuteqartarnermut atatillugu saliinissamut atugassarititaasussanik aalajangersaasoqartarnera nalinginnaasumik suleriaasisarpoq. Atugassarititaasussani mingutsitsisut tamarmik sumiiffimmiit peerneqarnissaat nalinginnaasumik piumasari-neqassaaq. Inatsisissatut siunnersuummi Naalakkersuisut saliinissamut aamma sanaartukkanik piiaanissamut piumasaqaateqarnissamut piginnaatinneqarput.

6. Innuttaasunut allaffissornikkut sunniutissat

Siunnersuutip innuttaasunut allaffissornikkut sunniuteqarnissaa naatsorsuutigineqanngilaq.

7 Pissutsit Naalagaaffeqatigiinnermut namminersornermullu tunngasut

Siunnersuut ungasinnerusoq isigalugu Naalagaaffeqatigiinnermut namminersulernissamullu pitsaasunik sunniuteqassasoq naatsorsuutigineqarpoq.

Akuersissummik pigisaqartunut akitsuutinik (royalty) akiliisitsisarneq namminersornermut aningaasalersueqataasinnaavoq. Siunissami aningaasat qanoq amerlatigisut pissarsiarineqarsinnaassanersut oqaatigineqarsinnaanngilaq. Tassani erngup nukinganik isumalluutinik atuinnissamik qinnuteqaatit aalajangersimasut, taakkununnga atasumik suliasat/suliffissuit apequtaassapput.

Tamatuma saniatigut erngup nukinganik isumalluutinik atuineq suliffissuarnik nukissamik pisariaqartitsisunik taakkununnga atasunik pilersitsinermik kinguneqarsinnaavoq, kiisalu ikummatissanik pisariaqartitsinitsinnik annikillisisinnaalluni, taamaalillunilu aningaasaqarnermik imminut nammassinnaanerusumik, namminersornermut iluaqutaasumik pilersitsisinnaalluni.

8. Oqartussaasunut kattuffinnullu il.il. tusarniaaneq

Inatsisissatut siunnersuut marloriarluni ukununnga tusarniaassutigineqarpoq:

Naalackersuisut Siulittaasuata Naalackersuisoqarfia, Aningaasaqarnermut Nunanullu Allanut Naalackersuisoqarfik, Inuussutissarsiornermut, Suliffeqarnermut Inuussutissarsiutinullu Ilinniartitaanernut Naalackersuisoqarfik, Piniarnermut, Aalisarnermut Nunalerinermullu Naalackersuisoqarfik, Kultureqarnermut, Ilinniartitaanernut, Ilisimatusarnermut Ilageeqarnermullu Naalackersuisoqarfik, Ilaqutariinnermut Peqqissutsimullu Naalackersuisoqarfik, Aatsitassanut Pisortaqarfik, Nunanut Allanut Pisortaqarfik, Inatsisartut Attaveqatigiinnermut Ineqarnermullu Ataatsimiititaliaat, Inatsisartut Kalaallit Nunaanni aluminiumik aatsitserivissamik sana-soqarsinnaanera pillugu ataatsimiititaliarigallagaat, KANUKOKA, Rigsombudi, Nukissiorfiit, Asiaq, Kalaallit Nunaanni Takornariaqarnermut Inuussutissarsiornermullu Siunnersuisoqatigiit, Nunatta Katersugaasivia, Kalaallit Nunaanni Sulisitsisut Peqatigiiffiat, NUSUKA, SIK, Greenland Development A/S, Kalaallit Nunaanni eqqartuussissuserisoqarfiit kukkunersuisoqarfiillu.

Tusarniaanermi akissutit attuumassuteqarnerat tunngavigalugu ilanngunneqarput. Tamatuma saniatigut tusarniaanermi allakkiamik, Attaveqarnermut Avatangiisinullu Naalackersuisoqarfiup tusarniaanermi akissutinut oqaaseqaateqarfigisaanik suliaqartoqarpoq.

Siunnersuummi aalajangersakkanut ataasiakkaanut nassuiaatit

§ 1-imut

Inatsisissatut siunnersuummi Kalaallit Nunaanni erngup nukinganit isumalluutit mingutsitsingitsut atorlugit innaallagissiornerup niuerpalaartumik ingerlanneqarnissaa atorneqarnissaalu, tamatumalu peqatigisaanik Namminersornerullutik Oqartussat erngup nukinganit isumalluutit siunissamut ungasissumut nakkutiginninnissaasa atuinissaasalu ingerlatiinnarneqarnissaa qulakkeerneqarnissaalu siunertarineqarput.

Siunnersuummi § 1-imi aalajangerneqarpoq Inatsisartut inatsisaat taamaallaat erngup nukingata innaallagissiornermut atorneqarnissaanik maleruagassiisoq. Imermik allatut atuneq siunnersuummi pineqartunut ilaatinneqanngilaq. Sumiffinni imermik imigassamik imaluunniit avammut nioqquteqarnissaq siunertaralugu pissarsiniartarnek siunnersuummi maleruagas-siunneqanngilaq.

Erngup nukingata innaallagissiornermut atorneqarnissaanut akuersissummik pigisalik erngup kuunneranik atueerpat, taamaattumillu imeq atorneqartoq erngup nukinganik innaallagissiorfimmu il.il. atassuteqarunnaarpat, imeq atuinissamut akuersissummut attuumassuteqarunnaassaaq. Tamatuma kingorna pissutsit apequtaatillugit imeq innaallagissiornermut imaluunniit allatut atugassanngorlugi allanut Naalakkersuisut akuersissuteqarsinnaassapput.

Kingusinnerusukku innaallagissiarineqartussap atorneqarfissaatut siunertaq suna naatsorsuutigineqarnersoq siunnersuutip atuuffissaanut pingaaruteqanngilaq. Assersuutigalugu innaallagissiarineqartoq aatsitassarsiorfinit atorneqartussatillugu erngup nukingata innaallagissiornermut atorneqarnissaannut akuersissutit siunnersuummi aamma maleruagassiuunneqarput, taamaattorli takuuk siunnersuummi § 4, imm. 2, tassungalu nassuiaatit.

§ 2-imut

Imm. 1-imut

Imm. 1-imi erngup nukinganit isumalluutit, inatsisissatut siunnersuummi pineqartunut ilaatinneqartut annertussusissaannut angissusiliisoqarpoq. Minnerpaaffissatut killissarititaasoq 1 megawatt-imut, tassalu ukiumut 8.760 megawatttiimit (MWh) missaannik tunisassiorsinnaanermut aalajangerneqarpoq, taakkulu inoqutigii ukiumut 1.500-iniit 2.000-inut innaallagissamik atuinerisa nalinginnaasup annertoqqatigai (kiassarnek ilanngunnagu). Taamaalluni erngup nukinganit isumalluutit annikinnerusut, suliniuteqarnikkut Namminersornerullutik Oqartussat nukissiornermut, inuussutissarsiornermut avatangiisinullu politikkiannut pingaaruteqanngitsut inatsisissatut siunnersuummut ilaatinneqanngillat. Tamatumunnga peqatigitillugu naatsorsuutigisariaqarpoq isumalluutit taamatut annikissusillit avataaniit aningaasaliiumasunut soqutiginaateqanngitsut. Erngup nukinganit isumalluutit annikinnerit taamaattut assersuutigalugu nunaqarfinnut, nunaateqarfinnut aammalu savaateqarfinnut qanittuniittunut pilersuutissamik innaallagissiornermut atorneqarsinnaapput.

Erngup nukinganik isumalluutit killissaasa naliliiffigineqarnerini pisinnaasassatut/sunniutissatut naliliinerit tunngavigineqartarnissaat siunnersuutigineqarpoq. Erngup nukinganit isumalluutini pioreersuni paasissutissat pigineqartut tunngavigalugit Naalakkersuisut naliliisassapput.

Imm. 2-imut

Erngup nukinganik innaallagissiorfiit 1 MW inorlugu tunisassiorsinnaasut inatsisissatut siunnersuummut ilaatinneqassanngitsut imm. 2-mi aalajangersarneqarpoq. Erngup nukinganik innaallagissiorfiit taamaattut nukissamik pilersuinnermut peqqussummi maleruagassat malillugit suliarineqartassapput. Tassani killiliinermi erngup nukinganik innaallagissiorfiup teknik-kikkut pisinnaasai imm. 1-imi pineqartunut erngup nukinganit isumalluutitut taarsiullugu tunngavigineqassaaq. Erngup nukinganik innaallagissiorfiit minnerusut taamaattut erngup nukinganit isumalluutitut annernut kisermaassisinnaatinneqatariaqanngillat, taamaalillunilu siunertamut allamut atuinissamut akornutaasariaqaratik. Erngup nukinganit isumalluutit tamakkiisumik atorluarneqarnissaaat inuiaqatigiit soqutigisaraat. Kisiannili erngup nukinganik pilersuinnermut aqqissuussineq malillugu atuinissamut akuersissut pissarsiarineqarsimasoq, kingusinnerusukkut erngup nukinganik innaallagissiorfimmik angineramik sananermi ataqqineqassaaq. Pisunili immikkorluinnaq ittuni inatsisissatut siunnersuummi pinngitsaaliissummik taarsiissutitalimmik arsaarinnissuteqartarnissamut periarfissaritinneqartoq atorneqarsinnaavoq.

Tassalu siunissami erngup nukinganit isumalluutitik annikinnerusunik assersuutigalugu nunaateqarfinnut, savaateqarfinnut imaluunniit nunaqarfinnut innaallagissamik pilersuinissaq siunertaralugu atuinissamut akuersissutit nukissamik pilersuineq pillugu Inatsisartut peqqusutaat naapertorlugu suliarineqartaannassapput.

§ 3-imut

Erngup nukinganit isumalluutit Kalaallit Nunaata pigisarai. Tassalu Inatsisartut inatsisissatut siunnersuut malillugu Namminersorerullutik Oqartussat erngup nukingata innaallagissiornermut atorneqarnissaanut misissueqqaarnissamut atuinissamullu, aammalu tamatumunga akuersissuteqarnissamut kisermaassisinnaatitaavoq.

Kisermaassisinnaatitaaneq taamaallaat erngup nukingata innaallagissiornermut atorneqarnissaa siunertaralugu misissueqqaarnissamut atuinissamulluunniit atuuppoq. Assersuutigalugu erngup sikullu pissusaannut tunngatillugu ilisimatusarsinnaanerit misissuisinnaanerillu siunnersuummi malittarisassiunneqanngillat.

Aalajangersagaq siunnersuummi § 4-mut atatillugu atuarneqassaaq, tassanilu erngup nukingata innaallagissiornermut atorneqarnissaanut misissueqqaarnerit atuinerilluunniit Naalakkersuisunit akuersissummik pissarseqqaartinnani ingerlanneqarsinnaannginnissaat qulakkeerneqassalluni.

§ 4-imut

Imm. 1-imut

Siunnersuummi killissarititaasut iluanni erngup nukingata innaallagissiornermut atorneqarnissaanut misissueqqaarnissamut atuinissamulluunniit akuersissuteqarnissamut Naalakkersuisut piginnaatinneqarput.

Misissueqqaarnissamut akuersissutip nalunaarutigineqarnerani, pingaartumillu atuinissamut akuersissutip nalunaarutigineqarnerani akuersissuummi atugassarititaasut ataatsimut Naalakkersuisunit naliliiffineqassapput, tassanilu erngup nukinganit isumalluutitik sunnuteqar-

luartumik tamakkiisumillu atuinissaq eqqarsaatigalugit Namminersornerullutik Oqartussat soqutigisaat pingaernerit qulakkeernejassapput, tamatumunngalu peqatigitillugu Namminersornerullutik Oqartussat aningaasaqarnermi tamakkiisumi soqutigisaat qulakkeernejassallutik.

Imm. 2-imut

Kalaallit Nunaanni atortussiassat aatsitassanit pisut pillugit inatsisip allanngortinneqarneranik inatsisip nr. 1074-ip, 22. december 1993-imeersup atulerneratigut erngup nukinganik isumalluutit aatsitassanut peqqussummit peerneqarput, tamatumalu peqatigisaanik erngup nukinganik isumalluutit maleruagassiorneqarnerat Namminersornerullutik Oqartussanut nuunneqarlutik.

Aatsitassarsiornermi oqartussaasutut suliaqarnermi suliaqarnerit ataatsimoortumik ingerlaneqassasut, oqartussaasut ataatsimut suliaqassasut, tassanilu pingaartumik avatangiisinut, teknikkimut, isumannaallisaanermut isumalluutinullu tunngasut ataatsimoortumik eqqarsaatigineqassasut aatsitassanut inatsimmi allassimavoq. Akuersissut, matumani oqartussaasutut ataatsimut suliaqarnermi pineqartumut tunngasoq, § 4, imm. 1-imi aalajangersagaq malillugu akuersissummut taartigineqannginnissaa aalajangersakkami erseqqissarneqarpoq. Tassalu erngup nukinganik isumalluuterpiamut akuersissut Inatsisartut inatsisaat manna malillugu suliarineqassaaq, oqartussaasutullu suliaqarnerup sinnera aatsitassanut inatsit malillugu suliarineqassalluni.

Misissuineranut piiaanermullu atatillugu suliat sulianut, aatsitassanut inatsit malillugu akuersissutitut nalunaarutigineqartoq naapertorlugu ingerlaneqartunut tunngasuussapput, tassunngalu ilanngullugu attaveqaatinut pisariaqartinneqartunut kiisalu misissuinerpiamut piiaanerpiamullu naleqqiullugu tapertassatut sulianut tunngasuussallutik.

Tassalu erngup nukinganut tunngatillugu suliat, atuinissamik suliniutitut taaneqarsinnaasut aatsitassanut inatsimmi eqqarsaatigisassat malillugit oqartussaasut taakkununnga akuersisimattinnagit aallartinneqarsinnaanngillat. § 4, imm. 2-mi aalajangersagaq siunnersuutigineqartoq aqqutigalugu, aatsitassanut inatsit naapertorlugu oqartussaasut ataatsimut suliarinninneranni teknikkimut, avatangiisinut, isumannaallisaanermut isumalluutinullu tunngatillugu soqutigisat, inatsimmi tassani tunuliaqutserneqartut qulakkeernejarput.

Erngup nukinganik isumalluutini misissueqqaarnissamut taamatullu atuinissamut qinnuteqaatip suliarineqarnerani oqartussaasut sulisullu soqutigisaqartut allat ataqqineqassapput, ilanngullugit sumiiffimmi akuersissummik qinnuteqaateqarfigisami, imaluunniit taassuma eqqaaniittumi misissueqqaarnernut atuinernullu allanut pisinnaatitaaffiit. Akuersissummi pineqartumi siunissami suliaqartunut allanut aaqqiagiinngissuteqarsinnaanerit pinngitsoorneqarnissaat pineqarpoq. Assersuutigalugu isumalluutit assigiinngitsut, tassalu atortut, soorlu nassitsineranut aqqusersuutit, attaveqaatit il.il. imminnut qalleraaffianni sumiiffiup atorneqarneranerat sunniuteqarsinnaasut, imaluunniit aaqqiagiinngissutit allat, suliallit marluk soqutigisaannik aaqqiagiinngiffiusut tassani pineqarput.

Imm. 3-imut

Imm. 3-mi suliffeqarfiit misissueqqaarnerminnut atuinerminnullu atatillugu Inatsisartut inatsisaat piumasaaqatillu § 9 naapertorlugu Naalakkersuisunit aalajangersarneqartut malissagaat aalajangerneqarpoq. Aamma inatsisit allat soorunami malinneqassapput, tassunga ilaallutik avatangiisinut inatsit, nunaminertanik tunniussisarnermut maleruagassat il.il. Inatsisit il.il.

qinnuteqaateqartup malitassaasa allattorsimaffii tamakkiisut one door tunngavigalugu sule-
riaaseq naapertorlugu atugassarititaasunut nalinginnaasunut suliarineqartussanut ilanngullugit
nassuiaasiorneqassapput.

Tassanili imm. 2 naapertorlugu misissueqqaarnermut atuinermullu atatillugu suliat atortus-
siassanik aatsitassanit pisunik piaanermut atasutut ingerlanneqarpata taanna atuutissanngilaq.
Tamanna pisimappat misissueqqaarnermut atuinermullu suliat aatsitassanut inatsit naapertor-
lugu ingerlanneqassapput.

Imm. 4-imut

Akuersissut nalinginnaasumik kisermaassinissamut pisinnaatitaaffeqarfiusumik tunniunneqar-
tarpoq, tak. § 7, imm. 1, siumoorluguli oqaatigineqarsinnaanngilaq erngup nukinganik isumal-
luutit kuunnermikkut annertussutsimikkullu erngup nukinganik isumalluutininik misissueqqaar-
nissamut atuinissamullu akuersissutinik arlalinnik nalunaaruteqarnissamut tunngavissiiisin-
naassasut. Taamaattumik imm. 4-mi aalajangerneqarpoq, qinnuteqartut ataasiakkaat isumal-
luutininik tamanik atuisinnaanissamik naatsorsuutigisaqanngippat misissueqqaarnermut atuinis-
samullu akuersissummik tunniussinermit peqatigitillugu, Naalakkersuisut isumalluutininut pi-
neqartunut akuersissutinik allanut tunniussisinnaasut. Taamatut pisoqarnissaa qaqutigoortuus-
saaq, aatsaallu nalinginnaasumik nuna tamakkerlugu nukissamik pilersuinermit politikkeqar-
nermut naleqqukkuni akuerineqassalluni. Atuinissamut akuersissutinik allanut tunniussinermit
siusinnerusukkut akuersissutinik pissarsereersimasut eqqarsaatigineqassapput. Akuersissuti-
nik ataatsikkut tunniussinermit akuersissutit ataqatigiissinneqarnissaat pisariaqalertussaavoq,
taamatullu sanaartornerup ingerlatsinerullu nalaani akuersissutinik piginnittut akunnerminni
suleqatigiinnissamut sukumiinerusumik isumaqatigiissuteqarnissaat pisariaqartinneqassalluni.

§ 5-imut

Imm. 1-imut

Aalajangersakkami erngup nukinganit isumalluutininik killilersukkamik nassuiarlukkamillu
misissueqqaarnissamut akuersissuteqarsinnaaneq allassimavoq. Nuna pineqartoq tassaassaaq
taseqarfik, imajaanikkut erngup nukinganit isumalluutissanik pilersitsiviusinnaasoq. Imaani
sumiiffiup akerlianik, sumiiffik nuna atorneqarpoq tassunga aamma tatsit sermersuarlu ilaallu-
tik.

Misissueqqaarnermit misissuinerit aallarniutaasut, alapernaarsuinerit tamatumalu kingorna
erngup nukinganit isumalluutit annertussusaat periarfissarititaallu pineqarput. Taamatut misis-
suinermit erngup nukinganit isumalluutit annertussuserpiaannik aammalu erngup nukinganik
innaallagissiorfiliornissamut teknikkimut tunngasunik naliliisarnissaq siunertarineqarpoq.
Misissuinerit inernerit atuinissamik qinnuteqaateqarsinnaanermut atatillugu sanaartornermut
aningaasartuutissat tamakkiisut nalilerneqarnerannut tunngavigineqassapput.

Atuinissamut akuersissutini atugassarititaasut piffissami misissueqqaarnissamut atuinissamul-
lu akuersissutit tunniunneqarnerata nalaani maleruagassat atugassarititaasullu nalinginnaasut
atuuttut malinneqassapput. Erngup nukinganit isumalluutini pissutsit aalajangersimasut isu-
maqatigiinninniarnep kingorna atugassarititaasussanik immikkut ittunik aalajangersaanissa-
mut tunngaviliisinnaapput.

Imm. 2-imut

Imm. 2-mi misissueqqaarnissamut akuersissutit kisermaassisinnaatitaaffiullutik ukiut pingasukkaat tikillugit atuuttussatut tunniunneqartarsinnaasut aalajangersarneqarpoq. Piffissami sivilisunerusumi erngup nukinganit isumalluutininik, tassungalu ilanngullugu imeqarfik annertunerusoq ilanngullugu misissuinissaq pisariaqartinneqassappat, akuersissummik nutaamik tunniussisoqarsinnaavoq.

Misissueqqaarnissamut akuersissutip atuuffissaata sivilisussusilerneqarnissaa ataasiakkaatigut naliliiffigineqartassaaq. Piffissap aalajangerneqarnerani ilaatigut misissuinermi paasissutissat, pisortat pilersaarusiornerrannut atugassatut pisariaqartinneqartut eqqarsaatigineqassapput, taamatullu inuussutissarsiutinik allanik inissiisoqarsinnaanera eqqarsaatigineqassalluni. Pisortat pilersaarusiornissaannut imaluunniit inuussutissarsiummik allamik nunami erngup nukinganit isumalluuteqarfiusumi inissiinissap pilersaarusiorneqarnissaanut aalajangersimasunik suliniuteqartoqartat tamatumani piffissaq sivilinnerusariaqassaaq.

Taamatuttaaq misissueqqaarnerni paasissutissat pioreersut kikkunnilluunniit takuneqarsinnaasut annertussusaat, nunap pineqartup annertussusaa tikikkuminassusialu aammalu pisortat nuna tamakkerlugu kommunitinilu pilersaarusiaasa eqqarsaatigineqarnissaat Naalakkersuisunit pingaartinneqarsinnaassapput.

Nuna erngup nukinganit isumalluutininik naliliinissamut paasissutissanik naleqquttunik pigisaqarfineqanngippat, imaluunniit nuna pineqartoq tikikkuminaatsuuppat, piffissaq sivilisunersariaqassaaq.

Misissueqqaarnissamut akuersissutinut, Inatsisartut inatsisaata matuma atuutilernissaa sioqullugu nalunaarutigineqarsimasunut piffissaq akuersissummi taaneqartoq atuutissaaq.

Imm. 3-imut

Imm. 3-mi aalajangersarneqarpoq suliaq misissueqqaarnissamut qinnuteqaammut atatillugu nassuiaasiorneqarsimasooq naatsorsuutigineqartutut piviusunngortinneqarsinnaasooq paasinarsisimappat, misissueqqaarnissamut akuersissummik pissarsisimasooq aamma atuinissamut akuersissummik pisinnaatitaasooq. Suliaq annertuumik allannguuteqartoq, tassungalu ilanngullugu erngup nukinganit isumalluutininik atuneq annertunerungaatsiartoq annikinnerungaatsiartorluunniit matumani pineqartat, pisinnaatitaaffimmik pigisaqartoq atuinissamut akuersissummik tunineqarnissamik piumasaqarsinnaanngilaq.

Tamatumunnga ilassutitut erngup nukinganit isumalluutininik misissueqqaarnissamut atuinissamulluunniit akuersissummi nalunaarutigineqareersumi suliaq annertuumik allannguuteqarsimappat, tassungalu ilanngullugu erngup nukinganit isumalluutininik atuneq annertusingaatsiarsimappat annikillingaatsiarsimappalluunniit, § 9 imm. 3 naapertorlugu misissueqqaarnissamut atuinissamulluunniit akuersissut qaqugu annaaneqassanersoq pillugu Naalakkersuisut sukumiinerusunik aalajangersaasinnaapput.

Kiisalu misissueqqaarnissamut akuersissummik pigisaqartoq atuinissamut piumasaqaammik piumasaqartinnaq § 4, imm. 2-mi aamma 3-mi atugassarititaasut naammassineqarsimassapput.

Pisinnaatitaaffimmik pigisaqartup atuinissamut akuersissummik pissarsisinnaatitaanini kingusinnerpaamik misissueqqaarnissamut akuersissuteqarfiusup naaneraniit ukiup ataatsip qaangiunnerani atussavaa. Tamanna paasineqassaaq pisinnaatitaaffimmik pigisaqartoq kingusin-

nerpaamik misissueqqaarnissamut akuersissuteqarfiusup naaneraniit kingusinnerpaamik ukiup ataatsip qaangiunnerani atuinissamut akuersissummik qinnuteqarsimassasoq. Nutaamik akuersissuteqartoqarnerani pisinnaatitaaffimmik pigisaqartoq taanna piffissamut ukiut pingasuniit sivisunerusumut misissueqqaarnissamut akuersissummik tunineqarsimappat, tassunga ilanngullugu imeqarfimmut annerusumut minnerusumulluunniit, ukiumik ataatsimik piffissaliineq piffissap akuersissuteqarfiusup kingulliup naaneraniit atuutissaaq.

Aalajangersakkami ilaatigut pisinnaatitaaffimmik pigisaqartup pisinnaatitaaffimmik pigisaqalersinnaasunik allanik mattussiniarluni, atuinissamik pisinnaatitaaffimminik atuinnginnissaata qulakkeerneqarnissaa siunertarineqarpoq.

Imm. 4-imut

Ingerlatseqatigiiffik misissueqqaarnissamut akuersissummik pigisaqarpat, ingerlatseqatigiiffiup siulliup erngup nukinganit isumalluutininik atuinissamik kissaateqanngippat, tamanna ingerlatseqatigiiffiit allat pineqartumik misissueqqaarnissaannut akornutaassanngilaq. Ingerlatseqatigiiffik inatsisissatut siunnersuut naapertorlugu, tak. § 5, imm. 3, misissueqqaarnissamut akuersissutip naaneraniit ukioq ataaseq qaangiutsinnagu atuinissamut akuersissummik qinnuteqarnissamut pisinnaatitaaffimminik atuisaaq. Tamanna pinngippat ingerlatseqatigiiffiullu allap ingerlatseqatigiiffiup siulliup misissueqqaarnerinik pisiaqarnissani kissaatiginngippagu, imaluunniit ingerlatseqatigiiffiup misissuinerminerit tamanit takuneqarsinnaalernissaannut ukiuni pingasuni utaqqinissani kissaatiginngippagu, ingerlatseqatigiiffik taanna misissueqqaarnissamut akuersissummik nalunaarfigineqarsinnaavoq. Tassalu niuernerminik tunngaveqarluni ingerlatsinissamut atugassarititaasut saniatigut unammillertit pilersitsinissamut periarfissinneqarsinnaanerit akornusersimaneqanngillat.

§ 6-imut

Imm. 1-imut

Misissueqqaarnissamut akuersissummik pigisaqartup misissueqqaarnermi paasissutissat pisarsiarineqartut tamaasa Naalakkersuisunut tunniutissavai. Paasissutissanik nassiussinissaq kingusinnerpaamik akuersissutip atorunnaarnerani pissaaq.

Namminersornerullutik Oqartussat nunami erngup nukinganit isumalluutininut tunngatillugu paasissutissat taakku pissallugit pisinnaatitaaffigaat, taamatullu misissueqqaarnissamut akuersissutip naaneraniit ukiut pingasut qaangiunnerini Namminersornerullutik Oqartussat paasissutissat taakku atorsinnaavai, tassunga imm. 3 naapertorlugu allamut tunniussisinnaaneq ilaalluni. Tamatuma kingorna suliffeqarfiit allat, erngup nukinganik isumalluutininik atuinissamik soqutigisaqartut isumalluutininut paasissutissat pigineqareersut tunngavigalugit misissueqqaarnissamik aallartitsisinnaalissapput, taamaalillutillu aallaqqaataaniit aallartittariaqaratik.

Imm. 2-imut

Pisinnaatitaaffimmik pigisaqartup ukiut pingasut iluanni misissueqqaarnerup inernerinik tunisinnaanissamut periarfissinneqarnissaa aalajangersakkami siunertarineqarpoq. Taamaaliornikkut erngup nukinganit isumalluutininik aalajangersimasunik atuinissaq siunnerfiginngikkuallarlugu erngup nukinganit isumalluutininik misissueqqaarnissamut kajumissutsip annertunerulersinneqarsinnaanissaa Naalakkersuisunit naatsorsuutigineqarpoq. Taamaalilluni Kalaallit Nunaanni erngup nukinganik isumalluutit assiliorneqarsinnaalissapput, inuiaqatigiinnut tamarmiusunut iluaqutaasussamik.

Ingerlatseqatigiiffiit misissueqqaarnernik suliaqartut isumalluuterpassuarnik tamatumunnga atuisarput. Ingerlatseqatigiiffiit niuernerinnarnik tunngaveqarlutik misissuisartut qularineqanngilaq. Taamaattumik ingerlatseqatigiiffiit taakku, immaqa erngup nukinganit isumalluutunik pineqartunik atuinissamik kissaateqanngikkaluartut, imaluunniit kingusinnerusukkut ingerlatseqatigiiffinnut erngup nukinganit isumalluutunik aalajangersimasunik atuinissamik soqutiginnittunut misissueqqaarnerup inernerinik tunisisarnernik inuuniuteqartut aningaasaqarnikkut iluanaaruteqarsinnaanissaat pisariaqarpoq.

Misissueqqaarnernit paasissutissat misissueqqaarnissamut akuersissutip naaneraniit ukiut pingasut qaangiunnerini kikkunnilluunniit qinnutigineqarlutik takuneqarsinnaassapput, tassanilu misissueqqaarnissamut akuersissummik pigisaqartoq tamatumunnga akiliisitsinissamik piumasaqarsinnaanngilaq.

§ 5, imm. 2 naapertorlugu misissueqqaarnissamut akuersissummut piffissaliussaq sivitsorneqarsimappat, tamanut saqqummiussinissamut imaluunniit inummut allamut tunniussinissamut ukiunut pingasunut periarfissiineq aatsaat akuersissutip kingulliup naanerani atuutilissaaq.

Imm. 2-mi aalajangersakkap atuutilerneratigut misissueqqaarnissamut akuersissutip naanerniit ukiut pingasut ingerlanerini paasissutissat taakku allagaatinik takunnissinnaatitaanermut maleruagassanut ilaassanngillat, tassani ilaallutik pineqartunut pisortat ingerlatsineranni suliassat suliarineqartarnerat pillugu Inatsisartut inatsisaanni aamma pisortat ingerlatsineranni suliassat suliarineqartarnerat pillugu Inatsisartut inatsisaanni maleruagassat.

Misissueqqaarnissamut akuersissummi, Inatsisartut inatsisaata matuma atuutilernissaa sioqqullugu nalunaarutigineqartumi paasissutissanik tamanut saqqummiussinissamut piffissamik allamik aalajangiisoqarsimappat, akuersissummi piffissaliussaq atuutissaaq.

Imm. 2-imi aalajangersakkat taamaallaat paasissutissanut ilisimatitsissutinullu imm. 1 naapertorlugu Naalackersuisunut nassiunneqartussanut tunngasuupput. Imm. 2-mi paasissutissat ilisimatitsissutillu allamik tunngaveqarluni Naalackersuisunut imaluunniit Naalackersuisut ataanni sullissivinnut nassiunneqartut maleruagassiuunneqanngillat. Tassanissaaq paasissutissat, assersuutigalugu suliffissuarnut assigisaannullu erngup nukinganik innaallagissiorfimmit pilersorneqartunut aningaasaleerusussinnaasunut tuniseqqinnissaq tunniusseqqinnissarluunniit siunertaralugu Naalackersuisut namminneerlutik imaluunniit Naalackersuisut ataanni sullissiviit katersorsimasaat pineqanngillat.

Imm. 3-imut

Aalajangersakkap atuutilerneratigut misissueqqaarnerup naammassineraniit ukiut pingasut qaangiunnerini misissueqqaarnerup inernerini Naalackersuisut tamanut saqqummiussinavaat. Qinnuteqartup allap erngup nukinganit isumalluutunik atuinissani kissaatigippagu, aammalu piffissami tassani pinnaatitaaffimmik pigisaqartup § 5, imm. 3 naapertorlugu atuinissamut akuersissummik qinnuteqarnissamut pinnaatitaaffimmik atuinissani kissaatiginngippagu, ilisimatusarnikkut paasissutissanik aallaqqaataaniit katersinissaq inuiaqatigiinni isumalluutunik atuilussinnartoqartarnissaa tamatumunnga tunngavigineqarpoq.

Misissueqqaarnissamut akuersissummi, Inatsisartut inatsisaata matuma atuutilernissaa sioqqullugu nalunaarutigineqartumi paasissutissanik tamanut saqqummiussinissamut piffissamik allamik aalajangiisoqarsimappat, akuersissummi piffissaliussaq atuutissaaq, tak. imm. 2.

Pisinnaatitaaffimmik pigisaqartup paasissutissanut katersorneqartunut akilerneqarnissaq piumasarisinnaangilaa.

Imm. 3-imi aalajangersakkat taamaallaat paasissutissanut ilisimatitsissutissanullu imm. 1 naapertorlugu Naalakkersuisunut nassiunneqartussanut tunngasuupput. Imm. 3-mi paasissutissat ilisimatitsissutillu allamik tunngaveqarluni Naalakkersuisunut imaluunniit Naalakkersuisut ataanni sullissivinnut nassiunneqartut maleruagassiuunneqanngillat. Tassanissaq paasissutissat, assersuutigalugu suliffissuarnut assigisaannullu erngup nukinganik innaallagissiorfimmit pilersorneqartunut aningaasaleerusussinnaasunut tuniseqqinnissaq tunniuseqqinnissarluunniit siunertaralugu Naalakkersuisut namminneerlutik imaluunniit Naalakkersuisut ataanni sullissiviit katersorsimasaat pineqarput.

§ 7-imut

Imm. 1-imut

Atuinissamut akuersissuteqarnermi atugassarititaasussani piffissami akuersissummik nalunaa-ruteqarfiusumi maleruagassat atugassarititaasussallu nalinginnaasut atuuttut § 9 naapertorlugu aalajangersagaasut malinneqassapput. Erngup nukinganit isumalluutitut tunngatillugu pissut-sit aalajangersimasut tunngavigalugit isumaqatiginninniarnep kingorna atugassarititaasus-sanik immikkut ittunik aalajangersaasoqarsinnaavoq. Akuersissummi atugassarititaasus-sat aalajangersarkkat Naalakkersuisunut aammalu akuersissummik tunineqartumut pisussaaffi-liipput.

Erngup nukinganit isumalluutitut, atuinissamut akuersissuteqarfiusunut paatsuugassaanngit-sunik nassuiaasiortoqassaaq killiliisoqassallunilu. Qinnuteqaatinut ataasiakkaanut suliasanul-lu ataasiakkaanut tunngatillugu ataasiakkaarlugit killilersuisoqassaaq. Nassuiaasiornermi killi-lersuinnermilu ilaatigut nunap tasilianut tasernullu imermik pilersuiffiusup assiliornera tunnga-vigineqassaaq. Tamatumani nalinginnaasumik nunap ilusaani pissutsit tunngavigineqartartus-saassapput.

Imm. 2-imut

Imm. 2-mi akuersissummi aamma nukissiarineqarsinnaasup imaluunniit nukissiarineqartussap annertussusaa aammalu erngup atorneqarsinnaasup imaluunniit atorneqartussap annertussusaa eqqarsaatigalugit killiliisoqarsinnaanera aalajangersarneqarpoq. Taakku kattunnerisigut a-kuersissummi killiliisoqarsinnaavoq.

Nukissiarineqartup imaluunniit erngup annertussusaanik atuinikkut atuinissamut akuersissutitip killilerneqarneratigut, atuinissamut akuersissummik pigisaqartup erngup nukinganik innaalla-gissiorfimmi taakkunanilu atortunik, innaallagissiarineqartumik tigooqqaasussanik ingerlatsi-nermik pitsanngorsaanissaanut sunnerneqarsinnaavoq.

Atuinissamut akuersissummik erngup tigooqqarneqartup annerpaaffissaanik atugassarititaasu-tigut killilersuineq atorneqarsinnaavoq, assersuutigalugu erngup nukinganit isumalluutitip a-taatsip erngup nukinganik innaallagissiorfinnut tigooqqaasussanut assigiinngitsunut pilersui-nermut atorneqarnerani. § 4, imm. 5-imut nassuiaatit takukkit. Erngup kuutsigut imeqarfim-miit kuuttup minnerpaaffissaata atuutsiinnarnissaata pingaartinneqarnera aamma killiliinnermut tunngavigineqarsinnaavoq. Pingaartumik taamaattoqarsimasinnaavoq erngup innaallagissior-fimmiit kangerloqarfimmut allamut kuutsinneqarnerani.

Atuinissamut akuersissummik innaallagiaq tigooqqarneqartussaq annerpaaffissalerlugu atugassarititaasussanik ilaqartumik killilersuineq, assersuutigalugu nukimmik aalajangersimasumik annertussusilimmik Namminersornerullutik Oqartussanut imaluunniit suliffeqarfimmuut Namminersornerullutik Oqartussat toqqarsimasaannut pilersuinissamik piumasaqaateqarnermut atatillugu atorneqarsinnaavoq.

Imm. 3-imut

Imm. 3-mi erngup nukingata innaallagissiornermut atorneqarnissaanut akuersissutip sivisunerpaamik ukiuni 40-ni atuuttussanngorlugu nalunaarutigineqarsinnaanissaa aalajangersarneqarpoq, taamaattorli takuuk § 10, imm. 2 tassungalu nassuiaatit, taanna malillugu piffissap akuersissuteqarfiusup affaata sinnerunneranni akuersissut sivitsorneqarsinnaalluni. Akuersissut nalinginnaasumik kisermaassisinnaatitaaffinngorlugu nalunaarutigineqartassaaq. Taamaattorli takukkit § 4, imm. 5 tassungalu nassuiaatit. Piffissatigut atugassarititaasut aamma nassuiaatini nalinginnaasuni immikkoortoq 2.6-imi allaaserineqarput.

Imm. 4-imut

Atuinissamut akuersissut piffissamut qinnuteqartup pisariaqartitamisut uppernarsagaanut naleqquttunngorlugu nalunaarutigineqartassaaq.

Piffissap aalajangerneqarnerani Naalakkersuisut ilaatigut atortut imaluunniit pigisat, innaallagissiarineqartumik tigooqqaasussat teknikkikkut aningaasaqarnikkullu atasinnaassusii pingaartissavaat.

Erngup nukingata innaallagissiornermut atorneqarnissaanut akuersissut assersuutigalugu aatsitassarsiornermi pilersuinissamut naatsorsorlugu nalunaarutigineqarpat, aatsitassarsiorfiup atorneqarnissaanut piffissaq atorneqartussatut naatsorsuutigineqartoq tunngavigineqassaaq. Tassani Kalaallit Nunaanni atortussiassat aatsitassanit pisut pillugit inatsit naapertorlugu atuinissamut akuersissut nalunaarutigineqartoq piffissamut sumut atorneqassanersoq pingaartineqassaaq.

§ 8-imut

Imm. 1-imut

Misissueqqaarnissamut atuinissamullu akuersissutinik suliffeqarfinnut namminersortitanut, piginneqatigiiffinnut aktiaatileqatigiiffinnulluunniit kiisalu ingerlatseqatigiiffioriaatsinut assigusunut Kalaallit Nunaanni angerlarsimaffeqartunut nalunaaruteqartoqarsinnaavoq.

Ingerlatseqatigiiffiit ilusiisa angerlarsimaffiillu killilerneqarneranni, ingerlatseqatigiiffiit akileraarutissaasa isertitanillu akileraarutit Kalaallit Nunaanni akilerneqartussaananerat siunertarinerpoq. Tassalu akuersissutip tunniunneqannginnerani ingerlatseqatigiiffik Kalaallit Nunaanni inuussutissarsiutinik ingerlataqarneq pillugu Inatsisartut inatsisaat nr. 12, 12. november 2001-imeersoq naapertorlugu pilersinneqarsimassaaq.

Annertusititsinermi “kiisalu ingerlatseqatigiiffiit ilusaat assingusut” pineqarpoq, nunani allani ingerlatseqatigiiffiit Kalaallit Nunaanni taaguutaasutut taaguuteqanngikkaluarlutik piginneqatigiiffinnut aktiaatileqatigiiffinnullu assingusumik ilusilerneqarsimasinnaammata. Tassani ingerlatseqatigiiffiloriaatsit, suleqataasut arlaannaataluunniit ingerlatseqatigiiffiup pisussaaffiinnut toqqaannartumik pisuussutsimilluunniit ilaannik akisussaassuseqarfiginngisaat, kisiannili akileeqataassutigineqartut tamarmiusut tunngavigalugit nammaqatigiillutik akisussaassu-

seqarfigisaat pineqarput (piginneqataasut imaluunniit aningaasaliisut). Tassalu akuersissutit soqutigisaqaqatigiiffinnut tunniunneqarsinnaassanngillat, matumani suleqataasut toqqaannartumik (inuit namminneerlutik) akisussaaffilerneqartussaammata, aammalu pisuussutitik tamaasa tunngavigalugit nammaqatigiillutik ingerlatseqatigiiffiup pisussaaffiitut akisussaaffilerneqartussaallutik. Kiisalu akuersissutit ingerlatseqatigiiffinnut, piginneqataasut ataasiakkaat akileeqataassutaat tunngavigalugit akisussaaffeqartartunut tunniunneqarsinnaanngillat, tassani suleqataasooq ataaseq amerlanerusulluunniit pisuussutitik tamaasa (inuit namminneerlutik akisussaaffigisaat) tunngavigalugit soqutigisaqaqatigiiffiup pisussaaffiitut nammaqatigiillutik akisussaasusussaammata, kiisalu suleqataasut allat (akileeqataassutsit tunngavigalugit suleqataasut) taamaallaat aningaasat aalajangersimasumik annertussusillit tunngavigalugit akisussaasusussaallutik.

Imm. 2-imut

Naalakkersuisut misissueqqaarnissamut akuersissummik nalunaaruteqarnerminnut atatillugu, ingerlatseqatigiiffiup misissueqqaarnernik ingerlatserusuttup Kalaallit Nunaanni najugaqartussaananeranut piunasaqaat saneqqunniarlugu aalajangersinnaapput. Nunani allani ingerlatseqatigiiffiit Kalaallit Nunaanni ingerlatseqatigiiffittut pilersinneqarsimanngikkaluarlutik, kingusinnerusukkut atuisunngorsinnaaneq siunertaralugu erngup nukinganik isumalluutunik aalajangersimasunik misissueqqaarnissaannik periarfissinneqarnissaat tamatumunnga tunngavigineqarpoq. Kisiannili ingerlatseqatigiiffiup erngup nukinganik isumalluutunik atuinissaq kissaatiguniuk, ingerlatseqatigiiffik Kalaallit Nunaanni angerlarsimaffeqartussaavoq.

Imm. 3-imut

Atuinissamut akuersissummik pigisaqartoq aamma nukissiummik piginnittut atuisinnaatitaasutullu pisinnaatitaaffimmik, erngup nukiganit isumalluutunik atuinissamut pisariaqartinneqartumik pigisaqassaaq.

Tassani erngup nukinganik innaallagissiorfiit atortulersuutillu taakkununnga atasut, atuinissamut akuersissutit naannginnerani Namminersornerullutik Oqartussanit tiguneqarsimasut, tamatumalu kingorna pisinnaatitaaffimmik pigisaqartumut attartortinneqarsimasut ilaatinneqanngillat, tak. § 11 aamma § 14.

Imm. 3-mi akerlianik allassimavoq, (siunissami) piginnittut atuisinnaatitaanermullu pisinnaatitaaffiit pillugit piunasaqaatit misissueqqaarnernut akuersissutitik piginnittunut atorneqassanngitsut. Taamaalluni suliffeqarfiit pingaartumik misissueqqaarnernik ingerlataqartut akuersissummik pissarsisinnaanerannut, aammalu paasissutissanik pisariaqartinneqartunik erngup nukinganik atuinissamik soqutiginnittuusinnaasunut pileritsatsitsisinnaasunik pileritsiqataasinnaaneritut periarfissanik pileritsisooqarpoq.

Tamatumanili suliffeqarfiit taamaattut misissuinerit naammassineriniit piffissap naleqquttup iluani angusaminnik tunisinissamut periarfissaqarnissaat pisariaqartussaavoq. Siunnersuummi matumani misissueqqaarnermi angusat misissueqqaarnissamut akuersissutit naaneraniit ukiut pingasut ingerlanerini tunisinaasariaqaraat piunasaqaatigineqarpoq, tak. § 6, imm. 2 tassungalugu nassuiaatit.

Imm. 4-imut

Imm. 4-mi aalajangersakkami siunertarineqarpoq tigusisoqassappat imaluunniit akitsuuteqartitsisooqassappat (royalty) Naalakkersuisut erngup nukinganik innaallagissiorfiup taassumalu

atortuisa naatsorsuutitigut tamakkiisumik paasitinneqarnissamut periarfissinniarlugit, ingerlatseqatigiiffiup pigisarisinnaasaasa allat naatsorsuutitigut immikkoortisimaneqarnissaat.

Oqaaseq “ingerlatat taakku ingerlatseqatigiiffimmit inatsisitigut attuumassuteqanngitsumit suliarineqarsimasuuppata matuma piumasaqaataasimassagaluarnerata taamaaqataaniik” isumaqarpoq:

- naatsorsuuteqarfiusuni tamani immikkut angusanik taamatullu oqimaaqatigiissitsiner-nik naatsorsuusiortioqassasoq,
- niuerfiit ataasiakkaat iluini sullissinernik, soorlu nioqqutissanik kiffartuussinernillu a-kiligassatigut aaqqiisarnert niuerner-nik tunngaveqartumik ingerlanneqassasut, aam-malu niuerfiit akornanni aningaasaatinik, tassunga ilaallutik aningaasaatitigut akisus-saaffinnut akiliutinik nuussisarnert niuerner-ni aningaasaqarneq tunngavigalugu pi-sassasut,
- sullissinerit innaallagissiarineqartup sinneranik tunniussinissamut pisussaaffiussin-naa-sumut ilaatinneqartartut inummut allamut, taamatullu niuerfiit ataasiakkaat akornanni pilersuiner-nut piumasaqaataasut assinginik piumasaqaateqarfiullutik ingerlanneqar-tassasut, aamma
- naatsorsuutit pineqartut Naalakkersuisunut tunniunneqareernerminni inunnik sullissi-ner-nut inatsimmi aalajangersakkat nalinginnaasut malillugit pappiaraatinik takunnis-sinnaatitaanermut ilaatinneqassasut.

Imm. 5-imut

Imm. 5-imi naatsorsuutininik saqqummiussisarnissaq pillugu maleruagassanik sukumiinerusu-nik aalajangersaanissamut Naalakkersuisut piginnaatinneqarput, tassunga ilaalluni naatsorsuu-tit immikkoortinneqarnerat qaqugukkut naammassereerneqarsimassanersoq. Suliffeqarfiup naatsorsuutaasa Naalakkersuisut piumasaannut naleqquttunngorlugit allanngortiterneqarne-rannut piffissap ator-neqartup sivisusinnaanera tamatumunnga tunngavigineqarpoq.

Kiisalu naatsorsuuserinikkut tunngavissat suut naammassineqarnissaannut maleruagassanik Naalakkersuisut aalajangersaasinnaapput. Tamatuma saniatigut naatsorsuuteqarfiit suut im-mikkoortillugit saqqummiunneqartarnissaannut maleruagassanik Naalakkersuisut aalajanger-saasinnaapput.

Imm. 6-imut

Imm. 6-mi misissueqqaarnissamut atuinissamullu akuersissuteqarnissamut Naalakkersuisut tamatumunnga pilersaarummik akuersisimanissaasa piumasaqaatigineqarnera erseqqissarne-qarpoq. Pilersaarummi uppersar-neqassaaq pisinnaatitaaffimmik pigisaqartup qanoq ilior-luni misissueqqaarneq atuinerlu isumannaatsumik naapertuuttumillu ingerlanneqassanersoq qulakkeerniarneraa. Naalakkersuisut atugassarititaasussanik erseqqinnerusumik aalajanger-saasinnaapput, tak. § 9 tassungalu nassuiaatit.

§ 9-mut

Imm. 1-imut

Naalakkersuisut misissueqqaarnissamut imaluunniit atuinissamut qinnuteqaatip suliarineran-ut atatillugu, ilaatigut inatsisissatut siunnersuut manna ilaatigullu maleruagassanut tunngaviusut allat naapertorlugit, misissueqqaarner-nut atuinermullu pingaaruteqartut tunngavigalugit nali-lersugassat pisariusut arlalissuit nalilersortussaavaat.

Naalakkersuisut apeqqummut tassunga maleruagassanik aalajangersaasinnaanerat akuersissutaareersunik ingerlaavartumik allangortitsisinnaanertut atorneqassanngilaq. Naalakkersuisut misissueqqaarnissamut atuinissamulluunniit akuersissuteqarnissamut atugassarititaasussanik nutaanik maleruagassiussappata, maleruagassat siunissami akuersissutaasartussanut atuuttusaassapput.

Aalajangersagaq naapertorlugu misissueqqaarnissamut atuinissamullu akuersissuteqartarnermut maleruagassanik sukumiisunik Naalakkersuisut aalajangersaasussaapput.

Naalakkersuisut sutigut maleruagassanik aalajangersaasinnaaneranunat assersuutitut taaneqarsinnaapput, kisiannili taakkununga killilerneqaratik:

Piffissaliussat:

Naalakkersuisut piffissaliisarneq pillugu aalajangersaasinnaapput. Piffissaliussaq tassaasinnaavoq qinnuteqaatip tunniunnissaanut ulloq aalajangersimasoq. Aamma anguniakkat ilaanik angusaqarnissamut immikkut ittumik piffissaliisoqarsinnaavoq.

Misissueqqaarnermi suliassat ilusilersornissaat:

Misissueqqaarnermi sulianik ilusilersuinermi assersuutigalugu misissueqqaarnissamut periutit immikkut atorneqarnissaat pineqarsinnaavoq.

Piffissamut pilersaarut:

Naalakkersuisut misissueqqaarnerup aallartinneqarnissaanut ingerlanneqarnissaanullu aammalu sanaartornissamut piffissamut pilersaarusiap suliarineqarnissaanut akuerineqarnissaanullu piumasaqaatinik aalajangersaasinnaapput.

Nalunaarusiamik suliaqartarneq:

Naalakkersuisut nalunaarusiortarnissamut ilusiliussassanik imarisassaanullu piumasaqaatinik aalajangersaasinnaapput, ilanngullugit nalunaarusiap annertussusissaanut aammalu assersuutigalugu ukiumut nalunaarusiat qassit suliarineqartarnissaannut piumasaqaatit.

Aaqqissuussaaniikkut teknikkikkullu pisinnaasanut uppernarsaasiinissaq:

Naalakkersuisut aaqqissuussaaniikkut teknikkikkullu pisinnaasanut uppernarsaasiornissamut, suliffeqarfiup aaqqissuussaaniikkut teknikkikkullu suliassamik pineqartumik naammassinnisinnaaneranik Naalakkersuisunut uppernarsaasiinissaq siunertaralugu maleruagassanik aalajangersaasinnaapput. Tassani assersuutigalugu aaqqissuussaaniikkut teknikkikkullu pisinnaasat makkunuunatigut uppernarsaaserneqarsinnaasoq piumasaqaatigineqarsinnaavoq:

- a) siusinnerusukkut suliaasimasunut innersuussutit,
- b) teknikkikkut siunnersorteqarneq pillugu paasissutissat,
- c) pitsaassutsinik qularnaarisarnermut aaqqissuussisimaneq pillugu paasissutissat,
- d) peqaraanni misissuisarnermut aaqqisimaneq pillugu paasissutissat,
- e) sulisut pingaaruteqartut suliatigut piginnaasaat pillugit paasissutissat,
- f) avatangiisinik aqutsissutit pillugit paasissutissat,
- g) sulisoqarneq pillugu paasissutissat,
- h) pilersuisunut pilersuisunik peqaraannik taakkununga tunngatillugu siunertat pillugit paasissutissat.

Aningaasalersuineq pillugu uppernarsaasiinissaq:

Misissueqqaarnissamut imaluunniit atuinnissamut akuersissutitut atugassarititaasussatut pingaaruteqartunut ilaasussatut naatsorsuutigineqarpoq, qinnuteqartoq akuersissut malillugu suliaqarnissap naatsorsuutigineqartup naammassisinnaanissaanut pisariaqartumik qularnaveeqqusiinnaassasoq imaluunniit sillimmasiussaqaarsinnaassasoq. Taamaattumik Naalakkersuisut misissueqqaarnissap aningaasalersorneqarnissaanut uppersaasiinnissamut maleruagassanik aalajangersaasinnaapput. Tassani assersuutigalugu ingerlatseqatigiiffimmi naatsorsuutitut akiliisinnaassutsimullu piumasaqaateqartoqarsinnaavoq.

Erngup nukinganik innaallagissiorsimmik tassungalu atasunik aaqissuussinernik tunniussineq: Tunniussinermut atatillugu pissutsit immikkut ittut Naalakkersuisunut nalunaarutigineqarnissaasa piumasaqaatigineqarsinnaanera pillugu maleruagassanik aalajangersaasoqarsinnaavoq. Tassani assersuutigalugu suliffeqarfiit nutaat immikkut ittumik qularnaveeqqusiisariaqarnissaat pineqarsinnaavoq.

Saliinissaq sanaartukkanillu piiaanissaq:

Naalakkersuisut saliinissamut sanaartukkanillu misissueqqaarnermut atorneqartunik piiaanissamut maleruagassanik aalajangersaasinnaapput, ilanngullugu qularnaveeqqusiinertut ilusilimmik. Aamma assersuutigalugu sanaartukkanik piiaanermut periutsinik atuinnissamik piumasaqaatinik imaluunniit atortut atoqqinneqarsinnaasut pillugit aalajangersakkanik aalajangersaasoqarsinnaavoq.

Avatangiisini pissutsinik aaqeeqqinnissaq aamma sillimmasiussaqaarneq:

Naalakkersuisut avatangiisini pissutsinik aaqeeqqinnissamut maleruagassanik aalajangersaasinnaapput. Tassani assersuutigalugu naasut immikkut ittut ikkusooqqinnissaat pineqarsinnaavoq. Aamma sapsuat atortullu tassunga atasut piarneqarnissaat imaluunniit nunami itersat itisuut immerneqarnissaat, taamaalillunilu uumasut pisariaqanngitsumik ulorianartorsiortinneqannginnissaat piumasaqaatigineqarsinnaavoq. Aamma aningaaserivitsigut qularnaveeqqusiinikkut imaluunniit aningaasanik illuatitsinikkut qularnaveeqqusiinissamut piumasaqaatinik aalajangersaasoqarsinnaavoq.

Sanaartugassap ilusilersorneqarnissaa suliarineqarnissaalu, aqusersuutit il.il. ilanngullugit: Naalakkersuisut aqusersuutunik pilersaarusiornissamut, suliaqarnissamut aningaasalersuinissamullu, erngup nukinganik innaallagissiorfiup aamma pilersuinermi aqusersuutit avataaniittut akornanni attaviliinissamik pisinnaatitsissummik pigisaqartup pisussaaffilerneqarnissaa pillugu atugassarititaasussanik aalajangersaasinnaapput. Erngulli nukinganik innaallagissiorfimmi innaallagissiarineqartoq suliffissuarni tunisassiornermut atorneqassappat, pisinnaati-taaffimmik pigisaqartup avammut pisortatigoortumik siaruarterinermut aqusersuutitut attaviliinissap aningaasalersorneqarnissaanik pisussaaffilerneqarsinnaanngilaq.

Erngup nukinganik innaallagissiorfiup teknologii pitsaanerpaaq tunngavigalugu aammalu atortut EU-mit akuerisaasut atorlugit pilersaarusiorneqarnissaanut sananeqarnissaanullu piumasaqaatinik aalajangersaasoqarsinnaavoq.

Tunisassiornermi pisinnaasat atorneqanngitsut:

Tunisassiornermi pisinnaasanik atorneqanngitsunut tunngatillugu pilersaarusiornissamut, suliaqarnissamut aningaasalersuinissamullu, aammalu taassuma atorneqarnissaanut pisussaaffiit pillugit maleruagassanik Naalakkersuisut aalajangersaasinnaapput.

Innaallagissamik pilersuineq:

Pisinnaatissummik pigisaqartoq pisortanut imaluunniit ingerlatseqatigiiffinnut pisortanit tamakkiisumik ilaannaasumilluunniit pigineqartunut innaallagissamik pilersuinissamik pissaaffeqartoq pillugu maleruagassanik Naalakkersuisut aalajangersaasinnaapput. Misissueqqaarnissamut imaluunniit atuinissamut akuersissutit aalajangersimasut ilusilersorneqarnerini, ilaatigut illoqarfimmi qanittumiittumi innuttaasut aamma innaallagissamik pilersuinermut pioreersumut kattussinissamut periarfissat tunngavigineqartussaassapput. Innaallagissiarineqartoq suliffissuarni tuisassiornermut atorneqassappat, aammalu Naalakkersuisut pisinnaatitaaffimmik pigisaqartoq pisortatigoortumik, imaluunniit ingerlatseqatigiiffinnut pisortanit tamakkiisumik ilaannaasumilluunniit pigineqartumut innaallagissamik pilersuinissamik pissaaffilerpagu, innaallagissiaq pisortatigoortumik pilersuutigineqartoq innaallagissiarineqartup procentianik aalajangersimasunik annertussuseqartussanngorlugu killilerneqarsinnaavoq. Taamatut pisoqartillugu Naalakkersuisut pisinnaatitaaffimmik pigisaqartoq innaallagissiarineqartut 2 procentia sinnerlugu pilersuinissamik pissaaffilersinnaasariaqanngilaa. Innaallagissamik pisortatigoortumik tunisinermi suliffissuup tunisassiortup attaviliiffiusimasup tunisassiornermini annaasaqarneranik kinguneqartussaanera, taamaalillunilu pisinnaatitaaffimmik pigisaqartup annertuumik nammakkerneqartussaanera pissutigalugu killiliussaq aalajangersarneqarpoq.

Naalakkersuisut pisinnaatitaaffimmik pigisaqartoq pisortatigoortumik pilersuinissamik pissaaffilissappassuk, erngup nukinganik innaallagissiorfiup aamma avataanut pilersuinermut attaveqaatit akornanni attaviliinissamut aningaasartuutit Naalakkersuisunit akilerneqassapput.

Naalakkersuisut pisinnaatitaaffimmik pigisaqartumut pilersuinissamik pissaaffiliiniarlutik isumaliuteqarsimagunik, Naalakkersuisut misissueqqaarnissamut akuersissummik nalunaaruteqarnermini tamanna erseqqissaatigereersimasussaavaat. Tamanna pisimappat pilersuisusaatitaaneq atuinissamut akuersissutip isumaqatiginninniutigineqarnerata aallartinneraniit ilaatinneqassaaq.

Pisortanut imaluunniit ingerlatseqatigiiffinnut pisortanit tamakkiisumik ilaannaasumilluunniit pigineqartunut innaallagissamik pilersuineq akigititaasullu:

Innaallagissiaq tunisassiarineqartoq suliffissuarmi tunisassiornermut atorneqassappat, innaallagissamut taamatullu nioqqutissanut tunisassiornermut atugassatut eqqunneqartartunut akigititassat periaaseq transfer pricing-imik taaneqartoq tunngavigalugu naatsorsorneqartarnissannut atugassarititaasussanik aalajangersaasoqarsinnaavoq. Kiisalu aningaasaqarnermut, teknikimut allamulluunniit ikiorserneqarnermi akiliutissat Naalakkersuisunit akuerineqartarnissaat pillugu atugassarititaasussanik aalajangersaasoqarsinnaavoq.

Innaallagissiarineqartoq suliffissuarni tuisassiornermut atorneqassappat, aammalu Naalakkersuisut pisinnaatitaaffimmik pigisaqartoq pisortatigoortumik, imaluunniit ingerlatseqatigiiffinnut pisortanit tamakkiisumik ilaannaasumilluunniit pigineqartumut innaallagissamik pilersuinissamik pissaaffilerpagu, innaallagissap tunineqartup akiata naatsorsorneqarnerani uuliamik atuiunnaarnerup akia aallaavigalugu naatsorsuisoqassasoq Naalakkersuisut atugassarititaasussat aalajangersarsinnaavaat. Uuliamik atuiunnaarnerup akia toqqarneqarpoq, taanna nukissiuutit ataavartut iluanaarutigineqarsinnaanersut pillugit naatsorsuinermut atorneqartarmat. Uuliamik atuiunnaarnerup akia tassaavoq, innaallagissiornermi dieselimik atuinermut taarsiullugu erngup nukinganik atuneq imminut akilersinnaanerunersoq pillugu ersersitsisussaq. Taanna uuliap kwh-imut atukkap dieselip akianut naleqqiullugu atuuffiatut naatsorsorneqartarpoq.

Aaqqiagiinngissutininik aaqqiisarfik:

Naalakkersuisut aamma pisinnaatitaaffimmik pigisaqartup akornanni akuersissummi atugasarititaasutut aalajangersarneqarsimasut naammassineqarsimanersut pillugit aaqqiagiinngissutit, aalajangiineq inaarutaasumik aalajangerneqarsimatillugu isumaqatigiissitsiniarnikkut eqqartuussivimmut suliakkiissutigineqartassanersoq pillugu Naalakkersuisut aalajangersaasinnaapput. Isumaqatigiissitsiniarnikkut eqqartuussiviup sulineranut, inatsisinik toqqaanermut aammalu katitigaanermut maleruagassat aamma malittarisassatut aalajangersarneqarsinnaapput.

Erngup nukinganik innaallagissiorfiup atortullu tassunga atasut tunniunneqarnissaa:

Erngup nukinganik innaallagissiorfiup atortullu tassunga atasut tunniunneqartarnissaat pillugu maleruagassanik Naalakkersuisut aalajangersaasinnaapput, ilanngullugit erngup nukinganik innaallagissiorfiup Naalakkersuisunit tiguneqarneranut atugassarititaasussat erseqqinnerusut.

Tunisassiornerup unitsinneqarnera:

Pisinnaatitsissummik pigisaqartup piffissap akuersissuteqarfiusup naannginnerani erngup nukinganik innaallagissiorfimmit innaallagissiornerminik unitsitsinissani toqqarpagu, erngup nukinganik innaallagissiorfik qanoq pineqassanersoq pillugu maleruagassanik Naalakkersuisut aalajangersaasinnaapput.

Imm. 2-mut

Aatsitassanut inatsimmi suliffeqarfiit aamma aatsitassanut inatsit naapertorlugu oqartussaasut allat suliarininnerisa, aammalu peqqussutit § 9, imm. 1 naapertorlugu Naalakkersuisunit aalajangersarneqarsinnaasut aqutigalugit sukumiinerusumik maleruagassiat akornanni ataqatigiissitsinissap qulakkeerneqarnissaa aalajangersakkami siunertarineqarpoq. Aalajangersagaq manna aqutigalugu Inatsisartut inatsisaat manna naapertorlugu maleruagassiornermi, aatsitassanut inatsit aamma § 3, imm. 2 naapertorlugu aatsitassanik suliassaqarfimmi oqartussaasut maleruagassiat uniorlugit peqqussutininik aalajangersaasoqannginnissaa qulakkeerneqarsinnaavoq. Erseqqissaatigineqassaaq, ilaatitsinnginneq isumalluutinut akuersissutip tunniunneqarneranut atuutinngimmat, kisiannili akuersissutininik isumalluutinik atuinissamut pisariaqartinneqartunik suliaqarnermut atuulluni.

Imm. 3-imut

Akuersissutit suliarineqarnerannut akitsuummik akiliisitsisoqarsinnaasooq pillugu Naalakkersuisut maleruagassiorsinnaapput. Misissueqqaarnissamut akuersissutit suliarinerinut, misissueqqaarnermut akuersissutit sivitsorneqarnissaannut aamma atuinissamut akuersissutit suliarinerinut akitsuutinik immikkut ittunik akiliisitsisoqarsinnaassaaq. Aamma akitsuutit ukiu-moortumik, soorlu atuisunut akit nalunaarsuutaat, kiisalu akitsuutip akilernissaanut piffissarititaasut tunngavigalugit iluarsineqartassanersut maleruagassior-toqarsinnaassaaq.

Tamatuma saniatigut akitsuutit akuersissutininik nalunaaruteqareernerup kingorna oqartussaasut suliaqarnerinut atasumik aningaasartuutinut matussutissaassapput, aammalu tamakkiisumik ilaannaasumilluunniit aningaasartuutinut matussutaassanersut aalajangiisoqarsinnaalluni, taakkunungalu Namminersorerullutik Oqartussani oqartussaasunit allanit akuersissutininik pissarsiniarnermi oqartussaasunut aningaasartuutissat ilaapput.

Akitsuut oqartussaasut qinnuteqaatinik suliaqarnermut aamma uppernarsaatissanik paasissutissanillu pisariaqartinneqartunik pissarsiniarnermut aningaasartuutissatut missiliugaannit annerutinneqarsinnaanngilaq, imaluunniit oqartussaasut nakkutilliinermi suliaannut, suliffeqar-

fimmillu Inatsisartut inatsisaanni matumani aalajangersakkat malillugit akuersissutit naapertorlugit nakkutilliinerannut atatillugu aningaasartuutaannit annerutinneqarsinnaanani.

Imm. 4-mut

Naalackersuisut pisinnaatitaaffimmik pigisaqartoq akitsuutininik (royalty) qanoq annertutigisunik oqartussaasunut akiliissanersoq atuinissamut akuersissummi aalajangersaaffigisinnaavaat. Royalty tassaavoq inuiaqatigiit isumalluutit inuiaqatigiinnit pigineqartut atorineqarnerinut akiliiffigineqarnissamik periarfissaat. Royalty-p annertussusissaa tunngavissat assigiinngitsut tunngavigalugit aalajangerneqarsinnaavoq. Assersuutigalugu tassani pineqartoq tassaasinnaavoq, erngup nukinganit isumalluutit aalajangersimasut annertussusaat naapertorlugit akitsuusiineq. Akuersissut isumalluummut tamarmiusumut atuutsillugu taanna atorineqarsinnaavoq. Tassani akitsuut pineqartoq aamma tassaasinnaavoq, isumalluummik atuinerpiaamut tunngasuusoq. Tassani nalinginnaasumik pisinnaatitaaffimmik pigisaqartoq, isumalluutip ilaannaanik atuinissamut akuersissummik pigisaqartoq eqqarsaatigineqartarpoq. Tassani akitsuut pineqartoq aamma, suliffeqarfiup kaaviiartitaanut sinneqartoorutaanulluunniit naleqqiullugu aalajangersarneqarsinnaavoq. Akitsuut (royalty) aamma tunngavissat taaneqartut kattunneri tunngavigalugit aalajangersarneqarsinnaavoq.

Akitsuut tunngavissat aalajangersimasut naapertorlugit imaluunniit isumalluutit aatsitassalluunniit, soorlu uuliap, akiisa ineriartornerat naapertorlugit iluarsineqartassasoq pillugu Naalackersuisut atugassarititaasussanik aalajangersaasinnaapput.

Akitsuutininik akiliinissamut piunasaqaatinik aalajangersaasoqarsimatillugu, tamanna akuersissummi pineqartumi allassimassaaq, taamaalillunilu suliffeqarfiup akitsuutininik akiliinissaminut piunasaqaatit siumoortumik ilisimariissavai. Akuersissutip suliarineqareernerata kingorna Naalackersuisut akitsuutininik akiliinissamut piunasaqaatinik aalajangersaasinnaangillat.

Imm. 5-imut

Siunnersuummi imm. 5 malillugu Naalackersuisut qanoq pisoqartillugu akuersissutininik annasaqarsinnaanermut imaluunniit utertitsisinnaanermut maleruagassanik aamma aalajangersaasinnaapput. Aalajangersakkami misissuueqqaarnissamut imaluunniit atuinissamut akuersissummik annasaqarsinnaaneq utertitsisinnaanerlu pillugit atugassarititaasussanik sukumiinerusunik aalajangersaanissamut tunngavissaqarnissaq siunertarinearpoq. Atugassarititaasussat akuersissutinut ataasiakkaanut suliassanullu aalajangersimasunut, aammalu tamatumunnga atugassarititaasussat aalajangersarneqarsimasunut allanut naleqqussarneqarsinnaassagunik akuersissummi aalajangersimasumi takuneqarsinnaassapput.

Naalackersuisut atugassarititaasussat pillugit maleruagassanik aalajangersaasinnaanerat akuersissutaareersunik ingerlaavartumik allanngortitsisinnaanertut atorineqassanngilaq. Naalackersuisut § 9, imm. 5 naapertorlugit annasaqarsinnaanermut utertitsisinnaanermullu maleruagassanik nutaanik aalajangersaassappata, maleruagassat siunissami akuersissutaasartussanut taamaallaat atuutissapput.

Assersuutigalugu akuersissutip utertinneqarnissaa pillugu maleruagassanik aalajangersaasoqassaaq:

- atugassarititaasut peqqusissutilluunniit, Inatsisartut inatsisaanni imaluunniit aalajangersakkani taanna malillugu aalajangersarneqarsimasut malinneqanngippata,
- akuersissummik qinnuteqaammi paasissutissat eqqunngitsut paatsoortitsisinnaasulluunniit tunniunneqarsimappata, imaluunniit

- akuersissummik pigisaqartoq akiliisarnerninik unitsitsilluni nalunaarpat akiliisinnaajunnaartutulluunniit nalunaarutigineqarpat.

Aningaasaliissutaasimasut sunniutissallu annertuut utertitsinermut atasinnaasut eqqarsaatigalugit akuersissummik pigisaqartoq utertitsisoqannginnerani ajornanngippat aaqqiinissamut piffissalerlugu peqqusissummik nalunaarfigineqartariaqarpoq.

§ 10-mut

Imm. 1-imut

Piffissap akuersissuteqarfiusup naannginnerani piffissaalluarallartillugu akuersissut isumaqatiginninniutigineqaqqittariaqarpoq. Taamaattumik akuersissummik pigisaqartup Naalakkersuisullu akornanni isumaqatiginninniarnertit aallaaviatigut piffissap akuersissuteqarfiusup qiteqqunnerani aallartinneqartarnissaat § 10-mi aalajangersarneqarpoq. Taamaattorli piffissap naanissaanut ukiut quliinnanngornerani aatsaat.

Naalakkersuisut atuinissamut akuersissummik sivitsuinissaq kissaatigeneraat pillugu aalajangiiniarnermi, isumaqatiginninniarnertit inernerit apeqquataassapput.

Piffissap atuiffiusup qaangiunnerani isumaqatiginninniartarnermut tunngatillugu aalajangersagaq aamma sivitsuinerup ingerlaneranut atorneqartartussaavoq. Taamaakkaluartoq matumani isumaqatiginninniarnertit sivitsueqqinnermik inernejarsinnaanngillat.

Imm. 2-mut

Atuinissamut akuersissutip sivitsorneqarnissaa aalajangiunneqarpat, taanna sivisunerpaamik ukiut 20-t tikillugit atuuttussatut nalunaarutigineqassaaq. Atuinissamut akuersissut ukiunit 20-nit sivikinnerusuni atuuttussatut Naalakkersuisunit nalunaarutigineqarsinnaavoq. Naalakkersuisut atuinissamut akuersissummik sivitsuinissaat inatsisitigut piumasarineqarsinnaanngilaq.

Sivitsuinissamik aalajangernermi Naalakkersuisut aamma pisinnaatitaaffimmik pigisaqartup akornanni isumaqatiginninniarnertit tunngavigineqassapput. Pisinnaatitaaffimmik pigisaqartoq erngup nukinganik innaallagissiorfimmi ingerlaavartumik aningaasaliisarsimappat nutarterisimappallu Naalakkersuisut isumaqatiginninniarnermi akuersissummik sivitsuinissaq anguniartariaqarpaat. Pisinnaatitaaffimmik pigisaqartoq siunissami erngup nukinganik innaallagissiorfimmut aningaasaliiniarnersoq nutarteriniarnersorluunnit. Erngup nukinganik innaallagissiorfiup allilernejarsinnaaneranut periarfissat isumaqatigiissutigineqarsinnaasut, tassunga ilanngullugu innaallagissamik pisortat aqqusersuutaannut pilersuinissamut periarfissat atugasarititaasullu. Erngup nukinganik innaallagissiorfimmi innaallagissamik tunisassiarineqartumik suliffissuaqarnermut atuisoqarsimappat, sivitsuinissap isumaqatiginninniutigineqarnerani aamma tunisassiornermut atasumik suliffissuit tunisassiornerannut aningaasaliisoqarsimanersoq nutarterisoqarsimanersorluunniit, aammalu tamanna siunissami pissanersoq ilaatinneqartariaqarput. Aamma erngup nukinganik tunisassiorfik tassungalu atasumik suliffissuit tunisassiornerat suliassaqarfimmi piumasaqaatit pitsaassuserititassallu pitsaanerpaat tunngavigalugit ingerlanneqarsimanersut siunissamilu ingerlanneqarumaartut isumaqatiginninniarnernut ilaatinneqartariaqarput.

Atuinissamut akuersissummi siullermi piumasaqaatit sunik imaqarnersut aammalu pisinnaatitaaffimmik pigisaqartoq piumasaqaatinik sunik naammassinnissanersoq eqqornerusumik aalajangersarneqarsinnaavoq. Pisinnaatitaaffimmik pigisaqartup piumasaqaatit naammassisimapput.

pagit, pisinnaatitaaffimmik pigisaqartup sivitsuiffigineqarnissaa isumaqatiginninniarnerni aallaavigineqassaaq.

Isumaqatiginninniarnernit angusaqarfigineqartussaannigitsut paasinarsippat, erngup nukinganik innaallagissiorfik tiguneqassanersoq Naalakkersuisut aalajangersinnaavaat.

Kiisalu sivitsuinissamik isumaqatiginninniarnernut atatillugu akitsuutinut atugassarititaasut isumaqatiginninniutigineqaqqissinnaapput.

Atuinissamut akuersissutit ukiut 20-t angullugit sivitsorneqarsinnaanissaannut erngup nukinganik innaallagissiorfiup tamarmiusup tamakkiisumik nalikilliliiffigineqarsimanissaa siunnersuummi pingaartinneqarpoq. Taamatuttaaq politikikkut qilersorsimaneqangitsumik iliuseqarnissamut qulakkeerinissap pisariaqartinneqarsinnaanerat pingaartinneqarpoq. Piffissatigut atugassarititaasut aamma nassuiaatini nalinginnaasuni immikkoortoq 2.6-imi allaaserineqarput.

Imm. 3-mut

Atuinissamut akuersissutip naanerata kingorna pisussanut isumaqatiginninniarnernit angusaqarfiusimangippata, atuinissamut akuersissutip naanerata kingorna erngup nukinganik innaallagissiorfiup tiguneqarnissaa pillugu Naalakkersuisut aalajangiisnaapput.

§ 11-imut

Aalajangersagaq malillugu akuersissutip atuunneranut piffissap naanissaa sioqqullugu akuersissummik piginnittup erngup nukinganik innaallagissiorfiup Namminersornerullutik Oqartussanut tunniunneqarnissaa pillugu isumaqatigiissuteqarfigineqarsinnaanissaanut Naalakkersuisut piginnaatinneqarput, tak. § 14.

Atuinissamut akuersissummut piffissap naanissaa sioqqullugu, tigusinissamik isumaqatigiissutip saniatigut akuersissummik piginnittup tigusinerup kingorna, atugassarititaasunik sukumiisunik, soorlu erngup nukinganik innaallagissiorfimmik alliliinissamut nutarterinissamulluunniit tunngasunik suliaqarluni erngup nukinganik innaallagissiorfimmik attartorsinnaanissaa isumaqatigiissutigineqarsinnaavoq. Tassani § 8, imm. 2-imi aalajangersakkami ilaatitsinnginneq pineqarpoq.

§ 12-imut

Imm. 1-imut

Aalajangersakkami tigusisinnaatitaaneq maleruagassiuunneqarpoq. Tigusisinnaatitaanermi erngup nukinganik innaallagissiorfiup saniatigut pisinnaatitaaffimmik pigisaqartup aaqissuusinerit pigisai ilaatinneqarput, tak. § 8, imm. 3. Tigusisinnaatitaaneq aamma siunnersuummut nassuiaatini nalinginnaasuni immikkoortoq 2.8-imi sammineqarpoq.

Attaveqaatit kiisalu inissiat teknikkikkullu atortorissaarutit atortullu, erngup nukinganik innaallagissiorfimmut atasutut sananeqarsimasut pisiarineqarsimasulluunniit Namminersornerullutik Oqartussanit pigineqariinngikkunik, Inatsisartut inatsisaanni matumani aalajangersakkat naapertorlugit Namminersornerullutik Oqartussanit tiguneqassapput. Attaveqaatit tassaa-sinnaapput umiarsualivinni atortut, aqquernit mittarfiillu.

Inissianut tunngatillugu oqaatigineqassaaq, tiguisinnaatitaanermi inissiat erngup nukinganik innaallagissiorfiup ingerlanneqarneranut sullinneqarneranullu atorneqartut pineqarmata. Tiguisinnaatitaanermi inissiat allat, soorlu ingerlatseqatigiiffiup pisortaanit allaffimmilu sulisuinit atorneqartut pineqanngillat.

Atuinissamik akuersissutip tunniunneqarnerani imaluunniit akuersissummut piffissaliussap naanerani erngup nukinganik innaallagissiorfiup taassumalu atortuisa Namminersornerullutik Oqartussanit tiguneqarnissaannut aalajangiinissamik Naalakkersuisut pisussaatinneqanngillat. Tassani assersuutigalugu erngup nukiganit isumalluutit innaallagissiornermut atorneqarunnaassasut Naalakkersuisut naliliinerat pissutaasimasinnaavoq.

Atuinissamut akuersissutip naanissaa tikillugu piffissap qanorluunniit ilinerani erngup nukinganik innaallagissiorfik atortullu tassunga atasut Namminersornerullutik Oqartussanit tiguneqassasut Naalakkersuisut aalajangersinnaavaat. Tigusinissaq siusinnerpaamik piffissap atuinissamut akuersissuteqarfiusup naanerani pisinnaavoq. Tassalu § 11 naapertorlugu Naalakkersuisut aamma pisinnaatitaaffimmik pigisaqartup akornanni allamik isumaqatigiissuteqartoqarsimangippat.

Naalakkersuisut tigusinissamik aalajangernissamut taarsiullugu § 10-mi akuersissummik nutarterisarnermut tunngasumi aalajangersakkat naapertorlugit nutaamik atuinissamut akuersissuteqarlutik atuinissaq ukiut 20-it tikillugit sivitsorsinnaavaat.

Inatsisissatut siunnersuummi matumani Namminersornerullutik Oqartussat innaallagissiorfimmik tigusaminnik allamut tunisisinnaanerannut piginnittuusinnaanermut maleruagassior-toqanngilaq. Innaallagissiorfimmik taamaattumik tunisinissaq Namminersornerullutik Oqartussat pigisaminnut tunngatillugu aalajangiisinnaanerannut maleruagassani nalinginnaasuni maleruagassiuunneqarpoq.

Pisisussaq inatsisissatut siunnersuut manna naapertorlugu erngup nukingata innaallagissiornermut atorneqarneranik nangitsinissamut akuersissummik pissarsisinnaassaaq.

Tunisinermi inuiaqatigiinni pingaartitassat pillugit ataatsimut naliliineq tunngavigineqassaaq. Tassani ilaatigut tunisinermut akiusoq taassumalu aningaasalersorneqarnissaa, atuinissamut akuersissutip ilusilersorneqarnissaa, tassungalu ilanngullugu atugassarititaasut sukumiisut, aammalu erngup nukiganit isumalluutininik atuinerup imminut akilersinnaasumik pitsaasumilu ingerlaannarnissaanut periarfissat ilaatinneqassapput.

Siunnersuut manna tunngavigalugu erngup nukinganik innaallagissiorfimmik tiguneqarsimasumik tunisinermut atatillugu atuinissamut akuersissummik aammalu erngup nukinganik innaallagissiorfimmik pigisaqartuusimasoq immikkut ittunik pisinnaatitaaffilissallugu Naalakkersuisut pisinnaatitaanngillat pisussaataatilluunniit.

Imm. 2-mut

Imm. 2 naapertorlugu tiguisinnaatitaaneq, akuersissutip suliarineqarnerani aalajangersarneqarsimasoq Nunatta Eqqartuussiviani nalunaarsorneqartussaavoq. Akiitsoqarfiit tiguisinnaatitaanermut ilaatinneqartut pigisanik qularnaveeqqusiiffiusimasut, assersuutigalugu inissiami innaallagissiorfimmut atasumi, tigusinissamit aammalu Namminersornerullutik Oqartussat pigisanik qularnaveeqqusiunneqarsimasunik tigusinissaanniit kingulliunneqassapput. Qularnaveeqqusiussat nammagassallu allat tigusineq kisiat tunngavigalugu nalunaarsorneqarun-

naarnissaat Namminersornerullutik Oqartussanit piumasaqarineqarsinnaavoq. Taamaattumik qularnaveeqqusiiiffigineqarsimasut pisinnaatitaaffinnillu allanik pigisaqartut pisinnaatitaaffimmik nalunaarsorsimajunnaarnissaannut akerliliisinnaanngillat.

Imm. 3-imut

Imm. 3-mi aalajangersarneqarpoq akuersissutip atorunnaarnerani Namminersornerullutik Oqartussat tiguseranni erngup nukinganik innaallagissiorfiup taassumalu atortuisa tamakkiisumik ingerlasinnaassasut.

“Tamakkiisumik ingerlasinnaasoq”-mik oqarnermi pineqarpoq innaallagissiorfik, erngup nukinganit isumalluutit annikinnerulersimangippata nukissamik pilersaarutaasumik annertussusilimmik killilersugaanngitsumillu tunisassiorsinnaasoq, aammalu ajoquteqanngitsaq amigaa-teqanngitsorlu.

Imm. 4-mut

Imm. 3-mi aalajangersakkap naammassineqarnissaa qulakkeerniarlugu, imm. 4-mi Naalakkersuisut erngup nukinganik innaallagissiorfiup tiguneqarnerani ingerlatsinerup ingerlaannarnera qulakkeerniarlugu tamakkiisumik akornuteqanngitsumillu innaallagissiorfimmu isersinnaanissaat aalajangersarneqarpoq.

Naalakkersuisut erngup nukinganik innaallagissiorfimmik tiguserinissamik piareersarnerminnut atatillugu, kiisalu erngup nukinganik innaallagissiorfiup atortullu tassunga atasut ingerlasinnaanissaat qulakkeerniarlugu innaallagissiorfimmu atortunullu tassunga atasunut isernissamut pisinnaatitaapput.

Naalakkersuisut erngup nukinganik innaallagissiorfimmu atortunullu tassunga atasunut isersinnaatitaanerat, Naalakkersuisut tiguserinissamut piffissaliussatut nalunaaruteqarnerisa uller-neqarneraniit ukiut pingasut tikillugit atuutissaaq.

“Atuinissamut akuersissummik pigisaqartumut annertunerusumik ajoqutaanngitsumik aningaasartuutaanngitsumillu”-mik oqarnermi isuma tassaavoq, Naalakkersuisut pisinnaatitaaffimmik pigisaqartumut taamaallaat erngup nukinganik innaallagissiorfiup tamakkiisumik ingerlasinnaaneranut piumasarineqarsinnaasunut naapertuuttunik aningaasartuuteqartitsisinaanerat. Tamatuma saniatigut erngup nukinganik innaallagissiorfimmu isersinnaaneq sapinngisamik pisinnaatitaaffimmik piginnittoq isumaqatigalugu, taamaalillunilu ingerlatsinermik akornusiiviunngitsumik ataqatigiissaarneqartariaqarpoq. Kiisalu pisinnaatitaaffimmik pigisaqartup sulisuanit immikkut ilisimasalimmit ikiorsiiviusariaqartumik misissuinissap, sulisup immikkut ilisimasallip erngup nukinganik innaallagissiorfimiinnera iluatsillugu pinissaanut piffissat ataqatigiissaarneqartariaqarput. Taakku saniatigut tiguserinissap piareersarneqarneranut iliuusissat pisariaqartinneqarsinnaasut ulluinnarni ingerlatsinermi annertunerusumik aningaasartuuteqarfiunngitsumik ingerlanneqassapput.

Imm. 5-imut

Akuersissutip naanerata kingorna Naalakkersuisut erngup nukinganik innaallagissiorfimmik tiguserinissartik kissaatiginngippassuk, atuinissamut akuersissummik pigisaqartup suliaqarnini unitsissavaa, aammalu Naalakkersuisut tamatumunnga maleruagassiaat atugassarititaasullu atuinissamut akuersissummi aalajangersarneqartut malillugit erngup nukinganik innaallagissiorfik matussallugu.

Atuinissamut akuersissummik pigisaqartup iliuusissat pisariaqartinneqartut suliarinngippagit, suliassat taakku pigisaqartoq sinnerlugu aammalu taassuma akiligassaanik annaasaqaatigisinnaasaanillu Naalakkersuisunit suliarineqassapput, tak. § 18, imm. 2.

§ 13-imut

Imm. 1-imut

Aalajangersagaq tiguisinnaatitaanermut ilassutaaginnarpoq, tassanilu Namminersornerullutik Oqartussat § 12 malillugu erngup nukinganik innaallagissiorfimmik akiitsoqanngitsumik tigusinissaat qulakkeerniarneqarpoq.

§ 14-imut

Namminersornerullutik Oqartussanut tunniussinerup kingorna, tak. § 12, Naalakkersuisut innaallagissiorfik akuersissummik piginnittuusimasumut allamulluunniit attartortissinnaavaat. Aammattaaq attartortitsinermi erngup nukingata innaallagissiornermut atorneqarnissaanut akuersissutinik nalunaaruteqartoqartassaaq. Akuersissut siunnersuummi matumani killissaritaasut iluanni nalunaarutigineqassaaq. Tassani § 8, imm. 2-imi aalajangersakkami ilaatitsinnginneq pineqarpoq.

Attartornermut isumaqatigiissut piffissami erseqqinnerusumik aalajangerneqartumi atuuttussanngorlugu isumaqatigiissutigineqassaaq. Attartornermut isumaqatigiissummi atugassaritaasut atuinermut akuersissummik nalunaaruteqarnermi atugassaritaasut assigissavaat. Attartornermut isumaqatigiissutip ilusilerneqarnerani erngup nukinganik innaallagissiorfimmik attartornermut akiliutissaq aalajangersarneqarsinnaassaaq, aammalu erngup nukinganit isumalluutitik atuisinnaanermut akiliutissaq atuinissamut akuersissummi tassunga atasumi aalajangersarneqassalluni.

Atuinissamut akuersissummik pigisaqartup erngup nukinganik innaallagissiorfik attartortissinnaanngilaa. Tamanna atuinissamut akuersissummik pigisaqartup aamma erngup nukinganik innaallagissiorfimmik piginnittup kikkuunerisa paasitinneqarnissaannik piumasaqaammi aalajangersarneqareerpoq.

§ 15-imut

Imm. 1-imut

Misissueqqaarnissamut akuersissummik qinnuteqaatip aamma atuinissamut akuersissummik qinnuteqaatip Naalakkersuisunut tunniunneqartussaanaera aalajangersakkami erseqqissarneqarpoq.

Imm. 2-mut

Imm. 2-mi aalajangersakkami one door tunngavigalugu suleriaatsimik taaneqartumik pilersitsinissaq tunngavissiuunneqarpoq. Suleriaaseq oqartussaasullu suliarinnittarnissaattut naatsorsuutigineqartoq siunnersuummut nassuiaatini nalinginnaasuni immikkoortoq 2.3-imi sukumii-sumik sammineqarput, taamaattumillu tassunga innersuussisoqarpoq.

One door tunngavigalugu suleriaaseq tunngavigalugu oqartussaasut suliaqartarnerannik Naalakkersuisut pilersitsisinnaanissaasa maleruagassiorneqarnissaa naleqquttut isumaqarfigineqarpoq. Oqartussaasut suliarinnittarnerannik taamaattumik pilersitsinissaq pingaarnernik tun-

ngaveqassaaq, aammalu oqartussaasut suleqataasut akornanni akisussaaffinnik oqarsinnaati-taaffinnillu agguaanissap ersarissuunissaa paatsuuinissamullu tunngaviliinnginnissaa qulak-keerneqassalluni.

Aalajangersagaq Naalackersuisunut siulittaasup naalackersuinikkut agguaassinissaq pillugu aalajangiisinnaanerani nalinginnaasumik allanngortitsissanngilaq.

Suliat ingerlasarnerat eqqarsaatigalugu naalackersuisoqarfik nukissiuuteqarnermut sukkul-luunniit akisussaasuusooq misissueqqaarnissamut akuersissutinik atuinissamullu qinnuteqaati-nik tiguneqartunik suliaqartuusussaavoq, taamaallunilu oqartussaasutut ataqatigiissaarisar-tussaalluni. Tamanna taamaallaat erngup nukinganit isumalluutinut aalajangersimasunut qin-nuteqaatinut atuutissaaq. Assersuutigalugu aatsitassarsiornermut atatillugu akuersissummik qinnuteqaat matumani pineqarpat, aatsitassanut pisortaqaqfiup/naalackersuisoqarfiup sukkul-luunniit suliassaqaqfimmu akisussaasuusup aatsitassarsiornermi one door atorlugu suleriaaseq tunngavigalugu qinnuteqaat suliarissavaa, kisiannili nukissiuuteqarnermut naalackersuisoqar-fimmu sukkulluunniit atuuttumut erngup nukinganit isumalluutinik misissueqqaarnissamut aamma atuinissamut akuersissutinik pisariaqartinneqartunik piniassalluni, tak. § 4, imm. 2.

§ 16-imut

Misissueqqaarnissamut akuersissut aamma atuinissamut immikkut ittumik akuersissut nalu-naarutigineqartoq kommunip imaluunniit kommunit nunataannut pineqartunut, aammalu aal-laaniarnissamut aalisarnissamullu periarfissanut sunnuteqarsinnaavoq. Tamatuma saniatigut kommunit najukkami nunani pineqartuni ilisimasaqartarput, misissueqqaarnissamut imaluun-niit atuinissamut akuersissut naapertorlugu sulinissap piareersarneqarneranut pingaaruteqar-sinnaasunik.

Taamaattumik kommunit kalluarneqartussat oqaaseqaateqarnissamut periarfissinneqassapput. Taamannattaq oqartussaasunut toqqaannartumik akuersissuteqartussaannngitsunut, kisiannili nunamut misissueqqaarnissamut atuinissamullu akuersissutinit sunnuteqarfigineqarsinnaasu-nut soqutigisaqarsinnaasunut atuuppoq.

Naalackersuisut oqaaseqaateqarnissamut sivikinnerpaamik sapaatit akunnerinik sisamanik piffissaliissapput. Piffissaliussap iluani kommuni imaluunniit kommunit kalluarneqartussat oqartussaasulluunniit oqaaseqaateqanngippata, Naalackersuisut oqaaseqaateqartoqarnissaa utaqeqqaarnagu akuersissutinik nalunaaruteqarsinnaapput.

§ 17-imut

Imm. 1-imut

Aalajangersakkami akuersissummik qinnuteqartut taamatullu akuersissummik pigisaqartut paasissutissiinissamut pisussaaffeqarnerat maleruagassiorneqarpoq.

Imm. 2-mut

Imm. 2 naapertorlugu paasissutissat suut nalunaarutigineqassanersut, qanoq iluseqassanersut piffissarititaasullu suut iluanni tamakku tunniunneqassanersut pillugit maleruagassanik Naa-lackersuisut aalajangersaasinnaapput. Qinnuteqartut uppersaatinik pisariaqartinneqartunik, qinnuteqartup akuersissut qinnutigineqartoq naapertorlugu suliamik ingerlatsisinnaaneranut uppersaataasussanik nassiussinissanut pisussaaffiliisunik maleruagassiortoqarsinnaavoq.

Aamma qinnuteqartup imaluunniit pisinnaatitaaffimmik pigisaqartup niuernikkut pissutsit atukkani pillugit paasissutissat nalunaarutigisaasa allagaatinik takunnissinnaatitaanermut maleruagassanut, tassungalu ilanngullugu pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni aamma pisortat ingerlatsineranni suliaasat suliarineqartarnerat pillugu Inatsisartut inatsisaanni maleruagassanut ilaasutut isigineqassanngitsut pillugu maleruagassanik Naalakkersuisut aalajangersaasinnaapput.

§ 18-imut

Imm. 1-imut

Aalajangersakkami Inatsisartut inatsisaat maleruagassallu taanna tunngavigalugu aalajangersarneqarsimasut, tamatumunngalu atatillugu piginnaatitsissutit malillugit akuersissut naapertorlugu pisinnaatitaaffimmik pigisaqartup sulineranut Naalakkersuisut nakkutilliinerat maleruagassiuunneqarpoq.

Oqartussaasunut allanut, inatsisit allat tunngavigalugit nakkutilliinissamik pisinnaatitaaffeqartunut asersuutitut kommunalbestyrelsit, avatangiisinik illersuinissaq pillugu Inatsisartut peqqussutaat naapertorlugu nakkutilliisussanngortinneqarsimasut taaneqarsinnaapput.

Aalajangersakkami akuersissummik pigisaqartup maleruagassat atugassarititaasullu, akuersissummut pineqartumut atuuttut naapertorlugit iliuseqartarnissaata qulakkeerneqarnissaa siunertarineqarpoq.

Nakkutilliinermi oqartussaasut eqqartuussivimmit aalajangigaanngitsumik aammalu uppernarsaammik atorsinnaasumik takutitsinikkut nakkutilliisinnaatitaanissaannut nakkutiginninnissap pingaartinneqarnera tunngavilersuutigineqarpoq, teknikkimut tunngasunik allaffissornermillu nakkutiginninneq pineqarlutik.

Nakkutilliisut siumut nalunaaqqaaratik takkussinnaapput, kisiannili aamma nakkutilliineq periaaseq aalajangersimasoq malillugu nakkutiginninnertut ingerlanneqarsinnaalluni.

Imm. 2-mut

Akuersissummik pigisaqartup Naalakkersuisut peqqusissutaat malinngippagu, peqqusissutaasoq akuersissummik pigisaqartup akiligaanik annaasaqaatigisinnaasaanillu Naalakkersuisut suliaritissinnaavaat.

“Ingerlatsinermi ileqqorissaarnissaq” malillugu peqqusissutip akuersissummik pigisaqartup akiligaanik annaasaqaatigisinnaasaanillu Naalakkersuisunit suliaritinneqannginnerani:

- akuersissummik pigisaqartoq peqqusissutip naammassinissaanut piffissalernerqarsimasariaqarpoq, aammalu piffissaliussaq taanna qaangiussimasariaqarluni, kiisalu
- peqqusissut naammassineqanngippat oqartussaasut akuersissummik pigisaqartup akiligaanik annaasaqaatigisinnaasaanillu iliussissanik pisariaqartunik iliuseqassasut, akuersissummik pigisaqartoq siumoortumik ilisimatinneqarsimasariaqarpoq.

Kiisalu assigiisitsinissamut tunngaviusut malillugit iliuseqarneq tamatumuunakkut anguneqartussamut naapertuutissaaq. Assigiisitsinissamut tunngaviusut imminut ikiorniarluni suliniuteqarnermut taamatullu aningaasaqarnikkut sunniutissanut atuupput.

§ 19-imut

Imm. 1-imut

Aalajangersakkami misissueqqissaarnissamut atuinissamulluunniit akuersissutit Naalakkersuisunit Nunatta Eqqartuussiviani nalunaarsortinneqartussaanut aalajangersarneqarpoq.

Imm. 2-imut

Misissueqqaarnissamut atuinissamulluunniit akuersissummik tunniussineq sunaluunniit Naalakkersuisunit akuerineqartussaasoq aalajangersakkami allassimavoq.

Akuersissutinik tunniussinerit taamaattut qaqutigoortumik iliuuseqarnerussanngitsut, tamanalu aallarniutaasumik misissuinerit atuilersinnaanermut ineriartortitsinerup nassatarisaatut pissusissamisoorumik ilaaginnarsinnaassasut naatsorsuutigineqarpoq. Tunniussinerit taamaattut aningaasalersuinerimik tunngaveqarnissaat ilimagineqarsinnaavoq.

Tunniussineq toqqaannartumik tunniussinerusinnaassaaq, tassanilu akuersissuterpiaq pisinnaatitaaffimmik pigisaqartumit ataatsimiit pisinnaatitaaffimmik pigisaqartumut allamut tunniunneqarsinnaavoq, imaluunniit toqqaannanngitsumik tunniussinerusinnaavoq, tassanilu akuersissuterpiaq tunniunneqassanngilaq, kisiannili pisinnaatitaaffimmik pigisaqartoq tunniunneqarsinnaalluni.

§ 9, imm. 1 naapertorlugu Naalakkersuisut akuersissummik tunniussinermi atuinissamut akuersissutinik tunniussisoqassappat tamatumunnga atatillugu atugassarititaasussanik aalajangersaareernissamut periarfissaqareerput.

Aalajangersakkap atuutilernerani tunniussinissamut atugassarititaasut illuatungeriit akornanni isumaqatigiissutigineqartut oqartussaasunit akuerineqartussanngussanngillat.

Imm. 3-imut

Imm. 3-mi allassimavoq misissueqqaarnissamut imaluunniit atuinissamut akuersissut taarsigassarsinermi aammalu akiligassalinnik malersuinerne qanorluunniit ittuni qularnaveeqqusiunneqarsinnaanngitsooq. Assersuutigalugu akuersissut akiliutaagallartutut atorneqarsinnaanngilaq, aammalu akiliisinnaajunnaartoqarnerani akuersissut allamit tiguneqarsinnaanngilaq. Pisinnaatitaaffinnik pigisaqartut akornanni § 5-imi aalajangersakkanik naammassinnissinnaanngitsunik, imaluunniit Naalakkersuisunit akuerineqarsinnaanngitsunik peqarnissaa pingitsoorneqassappat aalajangersagaq pisariaqarpoq.

§ 20-imut

Imm. 1-imut

Aalajangersakkami allassimavoq misissueqqaarnissamut imaluunniit atuinissamut akuersissummik pigisaqartoq akuersissut malillugu suliaqarnermi ajoqusikkanut, taarsiisussaaitaanermut maleruagassat nalinginnaasut malillugit taarsiisussaaitaasoq. Tassalu taamatut suliaqarnermi kinaassusersiunngitsumik taarsiisussaaitaanissamut maleruagassanik aalajangersaasoqanngilaq, tamatumani tamanna inatsimmi allami allassimangippat.

Imm. 2-imut

Imm. 2 malillugu akisussaaffiup annertunerunissaa pillugu atugassarititaasussanik aalajangersaasoqarsinnaavoq. Akisussaaffiup annertunerusup assigiinngitsunik suussuseqarnissaa pillugu atugassarititaasussanik aalajangersaasoqarsinnaavoq, tassunga ilaallutik uppernarsaasusaatitaanermut maleruagassat, ilimagisaqarnermi akisussaaffiit kinaassusersiunngitsumillu akisussaaffiit assigiinngitsut.

Atugassarititaasut sulianut Inatsisartut inatsisaat malillugu akuersissut naapertorlugu ingerlanneqartumut tamarmiusumut taassumaluunniit ilaanut atorneqarsinnaapput. Suliaq ingerlanneqartoq immikkut ittumik ulorianartoqartillugu imaluunniit ajoqusernissamut ulorianaateqartillugu akisussaaffiup annertusineqarnerata atorneqarnissaa eqqarsaatigineqarsinnaavoq.

Engup nukinganik atuinissamut akuersissutinut siusinnerusukkut, aammalu sarfamut sakkortuumut atortut atortullu innaallagiamoortut pillugit Inatsisartut peqqussutaata Inatsisartunit 1994-imi akuerineqarnissaa sioqqullugu tunniunneqarsimasunut akisussaaffiup, taamanikkut Danmarkimi sarfamut sakkortuumut atortut pillugit inatsimmi atuuttumi akisussaaffiup sakkortoqataanik sakkortusineqarnissaanut piunasaqaammik ilaatitsisoqarpoq.

Imm. 3-imut

Imm. 3-imi akuersissummi pisinnaatitaaffimmik pigisaqartup taarsiisusaatitaanerata sillimmasiissummut allatulluunniit qularnaveeqqusiissummut ilaatinneqarnissaanut atugassarititaasunik aalajangersaasoqarsinnaanera oqaatigineqarpoq. Kingulliullugu taaneqartoq assersuutigalugu atugassarititaasut Naalakkersuisunit akuerineqartut tunngavigalugit aningaaserivitsigut qularnaveeqqusiissutaasinnaavoq. Aamma aalajangersakkami sillimmasiissummi allatulluunniit qularnaveeqqusiissummik kattussisoqarnissaanut atugassarititaasussanik aalajangersaasinnaaneq periarfissinneqarpoq. Imm. 3-imi aalajangersagaq eqqarsaatiginnikkaluarlugu inatsit alla, soorlu sullivimmi ajoqusernarnerit pillugit inatsit naapertorlugu sillimmasiinissamik piunasaqaat malinneqarsinnaassaaq.

§ 21-mut

Aalajangersakkami akuersissummik pigisaqartoq sanaartukkat tikinneqarsinnaanerannut killiliissutinik, ungalunik assigisaannilluunniit ikkussuinissamut, taamaalillunilu susassaqqanngitsunik engup nukinganik innaallagissiorfimmut nunaminertamullu atugassangortinneqarsimasumut isersinnaajunaarsitsinissaanut pisussaaffilerneqarpoq pisinnaatinneqarlunilu. Aalajangersagaq malillugu assersuutigalugu aqqusinnermut assiaqusiisoqarsinnaavoq, nuna sumiiffik ungalulernerneqarsinnaalluni, sapusiortoqarsinnaalluni ikerasalialiortoqarsinnaallunilu.

Oqartussaasut suliaqarnerinut atatillugu suliat § 15, imm. 2 naapertorlugu one door-imik taaneqartartumik tunngaveqarluni ingerlanneqarnerisut paasiniarlugu, akuersissutip tunniunneqannginnerani pissutsit taakku misissuiffigineqassapput, pisinnaatitaaffiusunut tamanut killiliussat nunaminertamik tunineqarnermut akuersissummi allassimasussaammata.

Tikitsinissamut killiliissutit ikkussorneqarnerisa peqatigisaanik angallanneq nalinginnaasoq killilersorneqarsinnaavoq, tassunga ilanngullugu nunami atuinissamik akuersissuteqarfiusumi aallaaniarneq.

§ 22-mut

Tunnngaviusumik inatsimmi § 73, imm. 1-imi pinngitsaaliissummik taarsiissutitalimmik pigisanik piginnikkunnaarsitsinermut piumasagaatit pingasuupput. Siullermik pinngitsaaliissummik taarsiissutitalimmik pigisanik piginnikkunnaarsitsinissaq inuiaqatigiit toqqissisimanissaannik pisariaqartitsinermik tunnngaveqassaaq. Aappaattut pinngitsaaliissummik taarsiissutitalimmik pigisanik piginnikkunnaarsitsineq inatsisitigut tunnngavissaqassaaq. Pingajuattut taarsiissutissaq tamakkerlugu akilerneqassaaq.

Taaguut “inuiaqatigiit toqqissisimanissaat” inatsisini inuiaqatigiit toqqissisimanissaannut nasuiaatit malillugit atorneqassaaq.

§ 22-mi aalajangersakkami Inatsisartut inatsisaat manna naapertorlugu akuersissutit nalunaarutigineqartut iluanni sulinerlut atattillugu pinngitsaaliissummik taarsiissutitalimmik pigisanik piginnikkunnaarsitsinissamut inatsisitigut tunnngavissiuinissaq siunertarineqarpoq.

Tunnngaviusumik inatsisini aalajangersagaq toqqaannartumik atorneqarsinnaavoq. Tassalu pisinnaatitaaffimmik pigisaqartoq tunnngaviusumik inatsisini taarsiissutitalimmik pigisanik piginnikkunnaarsitsinissamut aalajangersakkat tunnngavigalugit tamakkiisumik taarsiinissamut eqqartuussivinniit pineqaatissinneqarsinnaapput.

Taarsiissutitalimmik pigisanik piginnikkunnaarsitsinissaq taarsiissutitalimmik pigisanik piginnikkunnaarsitsinissaq pillugu Inatsisartut inatsisaat naapertorlugu pissaq, tassunga pigisanik aalaakkaasunik taarsiissutitalimmik pigisanik piginnikkunnaarsitsinissamut suleriaasissat pillugit Kalaallit Nunaannut inatsimmi maleruagassat ilaallutik.

§ 23-mut

Imm. 1-imut

Aalajangersakkami pinerluttulerinermut inatsisit naapertorlugit akisussaaffigineqartussat kisimik maleruagassiuunneqarput. Assersuutigalugu Inatsisartut inatsisaat malillugu akuersissutit nalunaarutigineqareersimasut utertinneqarnerini atorunnaarsinneqarneriniluunniit atugasarititaasunik unioqquitsineq tunnngavilersuutigineqarsinnaassasoq inatsisissatut siunnersuummi aalajangersakkani, maleruagassanilu tunnngavissaqarpoq.

Imm. 2-imut

Imm. 2-imi aalajangersakkami aalajangersarneqarpoq, unioqquitsineq suliffeqarfimmit tamakkiisumik ilaannaasumilluunniit Naalagaaffimmit, Namminersornerullutik Oqartussanit, kommunimit imaluunniit kommuninit ataatsimoortunit, aktiaatileqatigiiffimmit, anpartsselskabimit, piginneqatigiiffimmit assigisaannilluunniit pigineqartumit piliarineqarsimappat, suliffeqarfik akisussaatinneqarsinnaasoq. Taamannattaq unioqquitsineq Namminersornerullutik Oqartussanit, kommunimit imaluunniit kommuninit ataatsimoortunit piliarineqarsimappat atuutissaaq.

Imm. 3-imut

Imm. 3-imi aalajangersakkami, peqqussutini Inatsisartut inatsisaat tunnngavigalugu suliarineqartuni pinerluttulerinermi pineqaatissiissutaasinnaasunik aalajangersaasinnaanermut inatsisitigut tunnngavissat aalajangersarneqarput, tassungalu ilaapput inuinnaat akiliisussanngortinneqartarnerat arsaarneqartarnerallu.

Imm. 4-mut

Imm. 4-imi aalajangersakkami, peqqussutini Inatsisartut inatsisaat tunnngavigalugu suliarine-

qartuni pinerluttulerinermi pineqaatissiissutaasinnaasunik aalajangersaasinnaanermut inatsisigtigut tunngavissat aalajangersarneqarput, tassungalu ilaapput suliffeqarfiit akiliisussanngortinneqartarnerat arsaarneqartarnerallu, tamatumani piginnittut ingerlatseqatigiiffiillu ilusaat, Namminersornerullutik Oqartussat, kommunit imaluunniit kommunit ingerlatseqatigiiffiutaat pineqarnerisut apeqqutaatinneqarani.

Imm. 5-imut

Imm. 5-imi arsaarinnissutit akiligassiissutillu pinerluttulerinermut inatsimmi siunertaasutut Naalagaaffiup Karsianut tutsinneqaratik Nunap Karsianut tutsinneqartarnissaat qulakkeerneqarpoq.

§ 24-imut

Arsaarinnittarnermut atatillugu pingaartumik pinerluttulerinermut inatsimmi arsaarinnittarnermut aalajangersakkat (§116, imm. 3) eqqumaffigeqquneqarput, taannalu malillugu immik-korluinnaq ittunik pisoqartinnagu pigisat inatsisinik unioqputitsisup inatsisit malillugit inuus-sutissarsiutinik ingerlataqarneranut annertuumik pingaaruteqartut arsaarinnissutigineqarsinnaanngillat.

Pinerluttulerinermut Kalaallit Nunaannut inatsit nr. 306, 30. april 2008-meersoq, Folketingimmit akuerineqartoq, 1. januar 2010-mi atuutilissaaq. Tamatuma kingorna kapitali 37-mi male-ruagassat, arsaarinnittarnermut apeqqutinut tunngasuusut malinneqalissapput.

Arsaarinninneq atorineqarsinnaanngippat, akiliisitsissutissap nalilerneqarnerani tamanna im-mikkut eqqarsaatigineqassaaq. Assersuutigalugu akiliisitsissutissap annertussusilerneqarnera-ni unioqputitsinerup aningaasatigut imminut akilersinnaanissaanik iluanaarniuteqartoqan-ginnissaa tunngavigalugu aalajangiisoqassaaq.

§ 25-mut

Inatsisartut inatsisaat 1. juli 2009-miit atuutilissasoq siunnersuutigineqarpoq.

Imm. 2-mut

Erngup nukinganit isumalluutinik atuinissamut akuersissutit Inatsisartut inatsisaanni pineqar-tunut ilaasut, Inatsisartut inatsisaata atuutilernerani nalunaarutigineqaareersimasut piffissami atuutsitsivissatut nalunaarutigineqartumi atuutiinnassapput.

Maannamut erngup nukingata innaallagissiornermut atorineqarnissaanut akuersissutit sisamat tunniunneqarsimapput.

Tassani Nuuk pineqarpoq (Utoqqarmiut Kangerluarsunnguut). Taamanikkut akuersissut Ka-laallit Nunaanni atortussiassat aatsitassanit pisut pillugit inatsit naapertorlugu tunniunneqar-simavoq. Innaallagissiorfik 1993-imi atorineqalerpoq.

Akuersissutit makku nukissamik pilersuineq pillugu Inatsisartut peqqussutaat naapertorlugu tunniunneqarsimapput: Tasiilaq, 2005-imi atorineqalersoq, Qaqortoq-Narsaq (Qorlortorsuaq), 2008-mi atorineqalersussatut naatsorsuutigineqartoq aamma Sisimiut, 2010-mi atorineqalersus-satut naatsorsuutigineqartoq.